

Inatsisissatut siunnersuummut nassuiaatit

Oqaaseqaatit nalinginnaasut

1. Aallaqqaasiut

1.1. Pingaarnertut tunngavigineqartut

Siunnersuut inatsisinik atuuttunik ataatsimut naleqqussaasoqarnissaanik kissaateqartoqarnera tunngavigalugu suliarineqarpoq, tamatumani ilanngullugit massakkut siunissamilu pisariaqartitanut tunngatillugu nutarterisoqarnissaa, kiisalu malittarisassat paasiuminaatsut erseqqissaaffiginissaat.

1.2. Inatsisitigut piareersaanermi immikkoortut pingaarnertit

Inatsisissamik piareersaalluni sulinermi Oqaasiliortut, Nunat Aqqinik Aalajangiisartullu tamarmik immikkut tusarniaavigineqarput. Taakku saniatigut Oqaasileriffik Ilisimatusarfillu ataatsimeeqatigineqartarsimapput. Aammattaaq danskit Oqaasiliortuisa - Dansk Sprognævni - pisortaa ataatsimeeqatigineqarpoq Danmarkimi, Avannaamioqatigiinni Europamilu inatsisiliornikkut misilittakkat eqqartorlugit.

1.3. Siunnersuutip imarisai ataatsimut isigalugit

Siunnersuutip imarai Oqaasiliortunik pilersitsinermi siunertatut aalajangersakkat, Oqaasiliortut aaqqissuusaanikkut inissisimanerat, suliassat, katitigaanerat aamma aningaasarsiaqartitaanerat, aningaasalersugaanerat, sulinerata ingerlanera, misiligutaasumik aaqqissuussinerit aamma atuutsitsilernissanik atorunnaarsitsinissanillu aalajangersakkat.

Siunnersuut paasineqassaaq Oqaasiliortut pillugit Inatsisartut inatsisaata malittaatalu nalunaarutip ataatsimut aaqqissuunnerattut. Inatsisip oqaasertai erseqqinnerusut immikkoortumi tassunga tunngasumi takukkit (imm. 2a). Malittarisassanut atuuttunut tunngatillugu ataasiakkaanik allannortitsisoqarpoq, taakkualu saniatigut malittarisassanik atuuttunik arlalitsigut itisilerisoqarlunilu erseqqissaasoqarluni.

Inatsimmut atuuttumut naleqqiullugit nutaartat makkuupput:

- Oqaasiliortut pilersinneranni siunertap aalajangersagaanera,
- Oqaasiliortut aaqqissuusaanikkut inissisimaffiat pillugu erseqqissaaneq,
- Oqaasiliortut oqaatsinik, oqariaatsinik, oqaasiliaatsinillu nutaanik aalajangersaasarnermik piginnaatitaanerannut allannguut,
- aalajangersaaneq Oqaasiliortut oqaatsinut pisortatigoortumik oqartussaasutut oqaatsinut eqqussanut taaguutinik aalajangersaasarnerat pillugu (taarsiullugu oqaasiliat),

- Oqaasiliortut taaguusersuutini akuersisarnissaannik aalajangersagaq, tamannalu pisassasoq suleqatigiit Oqaasiliortut ilisimannittutut toqqagaasa innersuussereernerisigut,
- Oqaasiliortut aternik kalaallit oqaasiinit pilerfeqartunik atersuisarneq pillugu inatsisip tamakku pillugit aalajangersagai tunngavigalugit akuersisartuunissaannik aalajangersagaq,
- aalajangersarneqarpoq Oqaasiliortut pisortatigoortumik kalaallisut allattaaseq aalajangersassagaat, taannalu tamanut saqqummiutissallugu Oqaasiliortut aaqquussuussaanni ordbogimi allannermut najoqqutassiami,
- suliat aalajangersimasut naammassiniarlugit Oqaasiliortut piffissami killilimmi sulisussanik, suleqatigiinnik imaluunniit suliaqatigiinnik pilersitsisinnaanerannik periarfissaqartinneqarput,
- pisortatigoortumik kalaallisut allattaatsimut atuuttumut tunngatillugu malittarisassat, kalaallit pisortatigoortumik allattaasiat qanoq paasineqassanersoq pillugu,
- aalajangersarneqarpoq Oqaasiliortut kalaallisut ataatsimut allattaatsimut aalajangersaanermikkut tunngaviusussanik pingaarnernik aalajangersaassasut, allataatsimi aqutsisuusussanik, tamannalu pissasoq Naalakkersuisut tamanna pillugu oqaaseqaateqartereergit,
- aalajangersarneqarpoq Oqaasiliortut allataatsip tunngavigisassaanik aalajangersaanerminni nunat aqqisa qanoq allatarnissaannik immikkut tunngavigisassanik aalajangersaassasut, taamalu iliorneq pissaaq Nunat Aqqinik Aalajangiisartut isumasioqatigereernerisigut,
- aalajangersarneqarpoq Oqaasiliortut allataatsimi allannguinnerut atatillugu nammineerlutik allataatsimi apeqquutini tunngaviusuunngitsuni allannguisinnaasut, aamma allannguinnerit tunngaviusut suliarineqarsinnaasut tamanna pillugu Naalakkersuisut oqaaseqaateqartereergit,
- aalajangersarneqarpoq pisortatigoortumik kalaallisut allattaaseq, taarsiullugu oqaasilianik atersuisarneq aamma immikkut sulianut taaguutit – (fagterminologi) pisussaaffiussasut pisortat ingerlatsiviini tamani il.il.,
- Oqaasiliortut katitigaanerisa allanngortinnerat,
- Oqaasiliortut ataatsimut isigalugit piginnaasanik qanoq ittunik peqarnissaannik aalajangersaaneq, aamma Oqaasiliortuni ilaasortat ataasiakkaat eqqarsaatigalugit,
- Oqaasiliortunut ilaasortanik suliamik naammaginartumik ingerlatsisinnaanngitsunik ilaasortaajunnaarsitsisinnaanermik Naalakkersuisunut periarfissiineq,
- aningaasatigut missingersuutitut, naatsorsuutitut aamma kukkunersuinnermut malittarisassanik aalajangersaaneq,
- Oqaasiliortut ukiumoortumik nalunaarusiornissaasa imaarisassaanut itisilerutaasumik piunasaqaatinik aalajangersaaneq,
- ataatsimiittarnerit akuttussusissaannik aamma Oqaasiliortut ataatsimiinnerisa qanoq ammatiginissaannik aalajangersaaneq,
- allattoqarfiup sulinissaanut maleruagassanik aalajangersaaneq,

- allattoqarfiup Namminersorlutik Oqartussat suliffeqarfiisa ilaanni inississinnaaneranut periarfissiineq, aamma
- Naalakkersuisut periarfissinneqartut misiligutaasunik aqqissuineramik akuersissuteqarnissamut.

Pineqartut pillugit itinerusumik nassuiaatit siunnersuummi immikkoortut pingaarnerit allaaserineqarnerini takuneqarsinnaapput.

2. Inatsisissatut siunnersuummi immikkoortut pingaarnerit

a) Inatsisitigut aalajangersakkat atuuttut

Inatsisini atuuttuni salliutillugu pingaarnerutillugulu pineqarput Oqaasiliortut pillugit Inatsisartut inatsisaat nr. 12, 26. oktober 1989-imeersoq, Inatsisartut inatsisaanni nr. 19, 30. oktober 1998-imeersumi allannguuteqartoq, aamma Oqaasiliortut pillugit Namminersornerullutik Oqartussat nalunaarutaat nr. 23, 15. maj 1990-imeersoq. Taakku saniatigut atuuppoq allattaaseq nutaaq pillugu Landsrådet ileqqoreqqusaat 14. maj 1973-imeersoq.

Oqaasiliortut pillugit Inatsisartut inatsisaanni atuuttumi aalajangersarneqarpoq Oqaasiliortut suliassarigaat kalaallisut oqaatsit oqariartaatsillu nutaat naalisakkat ilanngullugit katersussallugit, nalunaarsussallugit akuerisassallugillu. Aammattaaq aalajangersarneqarpoq Oqaasiliortut pisortat inuillu kalaallit oqaasii pillugit siunnersortassagaat, aamma Oqaasiliortut kalaallisut atersuisartut imaluunniit atissanik siunnersuisartut suleqatigisassagaat.

Aammattaaq Inatsisartut inatsisaanni aalajangersarneqarput Oqaasiliortut katitigaanissaat, piffissap toqqagaaffiup sivilissusia aamma inissitsiterarneq kiisalu allattoqarnikkut malittarisanik Oqaasiliortullu sulinerannik aalajangersaasinnaaneq.

Oqaasiliortut pillugit nalunaarummi aalajangersarneqarpoq Oqaasiliortut pisortat inuillu oqaatsit aqqillu nutaat nunanit allaneersut atorneqarnerannik ilitersortassagaat, kalaallit oqaasiisa eqqortumik allattarnissaannut ordbogimik aqqissuillunilu saqqummersitsisassasut malittarisassaliussasullu killiffilersuutit, allariaatsit assigisaallu pillugit. Nalunaarut naapertorlugu Oqaasiliortut aamma kalaallit oqaasii pillugit paasissutissanik siammarterisassapput kulturikkut atuagassiatigut, Nunat Aqqinik Aalajangiisartut suleqatigisassallugit suleqatigiiffillu assingusut Avannaamioqatigiinni nunanilu allani suleqatigisallugit, pingaarnerutillugit Inuit inuiaqatigiit Canadamiittut, USA-miittut aamma USSR-miittut (Sovjetunion-iusimasumi). Aammattaaq periarfissineqarpoq Naalakkersuisut Oqaasiliortut suliassanik immikkut ittunik allanik sulianut eqqartorneqareersunut assingusunik suliakkersinnaagaat Oqaasiliortut ataanni inissisimasussanik.

Nalunaarutip aamma imarai oqaatsinik nutaanik akuersissuteqartarneq, aamma nalunaarutip imaraa akuersissuteqarsinnaanerup allanut tunniunnissaanik inerteqqut. Aammattaaq

nalunaarummi aalajangersarneqarpoq Oqaasiliortut ulluinnarni sulinerat ingerlanneqassasoq allattoqarfimmit ”Kultureqarnermut Atuartitaanermullu pisortaqarfik”-imi.

Nalunaarutip aammattaaq aalajangersarpaa Oqaasiliortut sulinerminnut atasumik aningaasatigut missingersuusiortassasut.

Aammattaaq nalunaarut aqcutigalugu piginnaatitsissuteqarpoq Naalakkersuisut ataatsimiititalianik pilersitsisinnaasut suliat aalajangersimasut naammassiniarlugit, ataatsimiititaliat taama ittut aningaasalersornerannik aalajangersaaneq aamma Naalakkersuisut pisussaaffigigaat Oqaasiliortut siunnersuuteqareerneratigut sulineranni malittarisassanik aalajangersaanissaq.

Naggataatigut nalunaarutip imaraa Oqaasiliortut suliatik pillugit ukiumoortumik Naalakkersuisunut nalunaarusiortassasut, nalunaarutillu ilagissagaat saaffiginnissutitut akissusiat namminerlu saqqummiussukkanik ilusiliinerit.

Aammattaaq taaneqarsinnaavoq Landsrådet ileqqoreqqusaat 14. maj 1973-imeersoq allattaatsimut nutaamut tunngasoq. Landsrådet ileqqoreqqusaatigut kalaallisut allattaatsimik allanngineqarpoq taamani atuuttumit Samuel Kleinschmidtimit ilusilikkamik allattaatsimiit nipit isummamik nassataqartut (fonemer) tunngavigalugit allattaatsimut.

Tamakkiisumik takussutissiiniarluni naatsumik taaneqassaaq Peqqussut nr. 549, 21. august 1986-imeersoq inuit aqqi pillugit inatsimmik nr. 193-imi, 29. april 1981-imeersumik atuutilersitsisoq. § 10. imm. 4-mi aalajangersarneqarpoq Namminersornerullutik Oqartussat sulianik ilisimannittunik ataatsimiititaliamik pilersitsissasut aalajangersaasartumik aqqit kalaallisuunit pilerfeqartut siuliaqutitut ateritinneqartussat siuliaqutaasinnaanngitsuussanngitsut imaluunniit aterinnittussamut ajoqutaasinnaasussaannngitsut. Ataatsimiititaliaq taanna maannamut taaguuteqarpoq ”Inuit Aqqinik Akuersisartut.” Inuit aqqinik akuersisarnermik suliassaq suliassatut inatsit malillugu suliassanut assingusutut Oqaasiliortunut inissinneqassasoq Naalakkersuisunit aalajangerneqarpoq.

b) Siunnersuut

Siunnersuummi malittarisassat maannamut atuuttut tunngavigineqarput. Tamatumunnga tunngatillugu malittarisassat maannamut Oqaasiliortut pillugit Inatsisartut inatsisaannit nalunaarummillu aqunneqartut ataatsimoortillugit aqqissorneqarput.

Siunnersuut ima ilusilersugaavoq siulliullugu aalajangersarneqarluni inatsisip attuuffissaanik malittarisassat aalajangersarneqartut, taassuma ataani Oqaasiliortunik pilersitsinissamik nalunaarsuineq aamma Oqaasiliortut aqqissuussaannikkut inissisimanerat, Oqaasiliortullu pisinnaatitaaffiini suliassat allanut suliassiissutigineqartassanngitsut.

Oqaasiliortut pilersitaaneranni siunertatut aalajangersarneqarpoq Oqaasiliortut pilersinneqartut kalaallit oqaasiisa ataavartinnissaat, siuarsarnissaat patajaallisarnissaallu siunertaralugit, oqaatsit kulturimik ataavartitsisutut attaveqatigiissutaasutullu atuuffiisigut.

Tamassuma kingorna nalunaarneqarput Oqaasiliortut suliassaattut malittarisassat. Taakku ilagaat maannamutulli Oqaasiliortut suliassaannik nalunaarineq, Naalakkersuisut suliassanik allanik tunniussisinnaanermik piginnaatitaanerat aamma Oqaasiliortut suliassanik naammassinninniarluni ataatsimiititalianik piffissami killilimmi sulisussanik, suleqatigiinnik imaluunniit suliaqatigiinnik pilersitsisinnaanermik piginnaaneq. Malittarisassanik maannamut atuuttunit suliassat nalunaarnerini annertusilerneqarpoq erseqqissaaneqarlunilu.

Oqaasiliortut piginnaaniligaanerini immikkut pingaarutilittut nutaatut peerneqarput kalaallit oqaasiini oqaatsit oqariartaatsillu nutaat, naalisakkat ilanngullugit, akuerineqartarnissaat. Peqatigitillugu aalajangersarneqarpoq Oqaasiliortut pisortatigoortumik oqaatsinut eqqussanut taartitut kalaallisut taaguusersuutissat (taarsiullugu oqaasiliat) akuerisassagaat, aammalu ilagitillugit suliaqarfinni aalajangersimasuni taaguutit oqariaatsillu.

Oqaasersiat taarserlugit oqaasiliorneq pisinnaavoq suleqatigiissitaliaagallartumit imaluunniit ataatsimiititaliamit ikiorserneqarluni, siunnersuummi § 2, imm. 4 naapertorlugu pilersinneqarsinnaasumit, periarfissaallunilu immikkut ilisimasalinnik suliami peqataatitsisinnaaneq.

Suliassaqarfinni aalajangersimasuni taaguusersuutinik akuersisarneq pisassaaq Oqaasiliortut pilersitaannit suleqatigiissitamit immikkut ilisimasalinnik ilaasortaartumit inassuteqaatit naapertorlugit. Allannguut tunngavilerneqarpoq naleqquttuujunnaarmat oqaatsit nutaat akuersissutigineqartarnissaat. Oqaatsit ineriartorput ingerlaavartumilli oqaatsinik nutaanik pilersoaqartarpoq akuttunngitsunik atorneqartartunik, taamaasillutillu oqaatsinut ilaalersartunik. Taamaattumik pissusissamisoorpoq inatsisiliornikkut Oqaasiliortut piginnaanerit sammissallugu qularnaarniarlugu Oqaasiliortut kalaallit oqaasiisa ineriartornerat malittarisassagaat, tassunga ilagitillugu nangittumik kalaallit oqaasiini oqaatsit oqariartaatsillu aamma oqaasersiat katersorneqartut nalunaarsorneqartullu.

Kalaallit oqaasii nukittorsarniarlugit nalilerneqarpoq pingaartuusooq allamiut oqaasiisa kalaallisut taartissaannik pilersitsisarnerup qularnaarneqarnissaa, taamaaliornikkut oqaatsit nutaat kalaallit oqaasiisut isigineqartassammata, taamalu peqataallutik oqaatsitta annertusiartornissaannut ineriartornissaannullu.

Aammattaaq pingaarpoq qularnaassallugu taaguusersuutit sulianik ilisimannittut innersuussutaat aallaavigalugit akuerisassangortussatut saqqummiuttarnissaat. Taaguusersuuterpiaat eqqarsaatigalugit pingaarpoq assigiissitaartunik atortuulersitaasunillu taaguusersuuteqarnissaa, taakkulu aalajangersarneqartassasut sulianik ilisimannittut innersuussutitut saqqummiussereernerisigut. Tassunga tunngatillugu taasariaqartuuvoq

Oqaasiliortut siornatigulli taaguusersuineramik suliaqareermata. Oqaasiliortut taamaasillutik saqqummersissimavaat peqqinnissamut taaguusersuutit, tusagassiuinermi taaguusersuutit, qarasaasialerinermi taaguusersuutit, avatangiisilerinermi taaguusersuutit, suliaqarfinni taaguutit aamma pinerluttulerineramik, eqqartuussisarnermillu inatsisini, aningaaserivinni timimullu taaguutit ilaannik taaguusersuutit.

Nutaatutaaq inatsimmi erseqqissumik aalajangersarneqarpoq Oqaasiliortut pisortatigoortumik kalaallisut allattaaseq aalajangersassagaat saqqummiullugulu eqqortumik allattarnissaq pillugu oqaasersiutikkut/ordbogikkut Oqaasiliortunit aqqissukkatut. Tassunga tunngatillugu aamma aalajangersarneqarpoq pisortatigoortumik kalaallisut allattaaseq atuuttoq qanoq paasisaasaanerseq, tassa eqqortumik allannissamut, killilersuinissamut naalisaatinillu aalajangersaallunilu atuinermi malittarisassat, oqaatsini kalaallit oqaasiinik allannermi. Allattaatsimi tassa ilaatigut pineqarput naalisakkanik aalajangersaaneq atuinerlu, akuersisarnermik piginnaaniliinermi maannamut atuuttumit siunnersuummi ingerlaqqitsitatut Oqaasiliortut allattaatsimik aalajangersaasinnaanermik pisussaafiligaaneratigut. Oqaasiliortut naalisakkat eqqarsaatigalugit saqqummersereerpaat kalaallisut naalisakkat nalunaarsuutaat Oqaasiliortunit akuerisatut.

Taakkua saniatigut siunnersuutip allattaatsimut tunngatillugu aalajangersarppaa, Oqaasiliortut allattaatsimik aalajangersaanerminni aalajangersassagaat tunngavigisat pingaarnertit allattaatsimi aqutsisuusussat. Tamanna pingaartuutut nalilernerqarpoq qularnaassagaanni Oqaasiliortut, pisortat inuillu nalunngissagaat malitassiat suut allattaatsimik aalajangersaanermi aqutsisuunersut.

Aammattaaq aalajangersarneqarpoq Oqaasiliortut allattaatsimut tunngavissanik pingaarnernik aalajangersaanerminni aalajangersassagaat nunat aqqisa allattarnerini tunngavissat suunissaat, tamannalu pissasoq Nunat Aqqinik Aalajangiisartut isumasioqatigereerlugit. Tamanna tunngaveqarpoq nunat aqqinik atortussanngortitsinermi kissaatigineqaratarsinnaasarmat ateritinniagaq allattaatsip tunngaviinik tamanut atuuttunik uniuisoq. Tamatumunnga tunngatillugu oqaatigineqassaaq Naalakkersuisut siunnersuummik matuminnga saqqummiussinerminnut atasumik saqqummiussimammassuk Nunat Aqqinik Aalajangiisartut pillugit Inatsisartut inatsisaat. Tassunga tunngatillugu aalajangersarneqarpoq Nunat Aqqinik Aalajangiisartut nunap aqqinik aalajangiilernerminni qulakkiissagaat atsiunneqartup kalaallit ataatsimut allattaasaanut naapertuunnersoq, aammalu nunat aqqinut tunngatillugu periusigineqartartunut pingaarnernut naleqquttuunersoq. Siunnersuummi aalajangersarneqarpoq nunat aqqinik aalajangiisartut isumaqarpata nunap atissaatut siunnersuutit pissutsit immikkut ittut malillugit nunap aqqatut atortussanngortinneqartussa q allattaatsip tunngaviinik tamanut atuuttunik uniuissuusoq, nunat aqqinik aalajangiisartut tamanna Oqaasiliortunut akuersissutiginninnissamik isummerfigisassatut saqqummiutissagaat. Aamma siunnersuutini taakkunani marlunni aalajangiisartut taakku pisussaatinneqarput suleqatigiittarnissaminnik.

Aammattaaq siunnersuummi nutaatut aalajangersarneqarpoq Oqaasiliortut allattaatsimik allannguinermi namminneq allannguisinnaasut naleqqussaasinnaasullu tunngavigisanik uniuisuunngitsunik, aamma tunngavinnik uniuisumik aalajangiinerit pisinnaasut Naalakkersuisut tamatuminnga oqaaseqarfiginnereernerisigut. Ilusiliinerup tamatuma aalajangersarpaa piginnaatitsineq pisuni tamani Oqaasiliortuniimmat, kissaatiginartorli tunngavinnik allannguinerit pitinnagit Naalakkersuisut oqaaseqarfiginnissinnaanissaat.

Kiisalu nutaatut aalajangersarneqarpoq pisortatigoortumik kalaallisut allattaaseq, taarsiullugu oqaasiliat aamma taaguutit aalajangersimasut suliassa qarfinni aalajangersimasuni ator neqartartut Oqaasiliortunit aalajangersarneqartartut, pisussaaffiussasut atussallugit pisortat ingerlatsiviini il.il. tamani. Tamanna ilanngunneqarpoq qularnaarumallugu allaatsip malittarisaa malinneqartuaannarissaat, kiisalu taarsiullugu oqaasiliat nutaat kiisalu taagutissat aalajangersakkat sapinngisamik inuiaqatigiinni susassaqtuni assigiinngitsuni ator neqartarissaat, tamannalu pisortat ingerlatsineranni malinneqassasoq, aalajangersakkami eqqaaneqartut allat ilanngullugit.

Aammattaaq nutaatut siunnersuummi aalajangersarneqarpoq inuit aqqini siuliaqutit kalaallisuunit pilerfillit Oqaasiliortut akuersissutigisassagaat, tamakku pillugit inunnik atsersuisarnermi inatsimmi malittareqqusat naapertorlugit. Tamanna pivoq inatsisiliornikkut aalajangersarneqassamat piginnaatitsissut kikkut ingerlanneraat. Oqaasiliortut nalilerneqarmata suliamik tamatuminnga ingerlatsissallutik tunngavissarinnerpaajusut, siunnersuutigineqarpoq piginnaaniliissut Oqaasiliortunut tussasoq. Aamma tamanna peruserineqartunik katersuineruvoq Naalakkersuisut aqutsinermut aalajangersagaannik.

Oqaasiliortut suliassaannut malittarisassat kingorna malinnaapput Oqaasiliortut katitigaaneri aamma aningaasarsiaqartitaaneri.

Tamatumunnga atatillugu nutaajuvoq ilaasortat Naalakkersuisunit toqqarneqartarnerat, siunnersuummi pineqartut ingerlatsiviit aamma kattuffiit / peqatigiiffiit inassuteqaateqareernerisigut, aalajangersarneqarlunilu Oqaasiliortut ataatsimut sinniisuuffigissagaat oqaatsitigut ilisimasat, inuiaqatigiinni ilisimasat aamma kulturikkut ilisimasat, Oqaasiliortunilu ilaasortat aalajangersimasumik Kalaallit Nunaanni najugaqartuussasut. Ilanngullugulu aalajangersarneqarpoq ilaasortat ataasiakkaat tamarmik immikkut sammisami arlalinniluunniit piginnaaneqartuussasut, Oqaasiliortutut ataatsimut sinniisuuffigisaminnik, minnerpaamillu ilaasortaq ataaseq piginnaaneqartuussasoq oqaluttaasarnermik aamma nutserinermik ingerlatsinermik.

Ilanngullugulu nutaajuvoq Naalakkersuisut piffissami toqqagaaffiusumi ilaasortamik peersitsisinnalernerat, ilaasortaq assersuutigalugu malunnaatilimmik ingerlatani peqataangippat, imaluunniit allatut suliassani peqataanissamut piukkunnaateqangippat.

Taava tulliuqput Oqaasiliortut pillugit aningaasalersuineq, malittarisassanik tamatumunnga tunngasunik ingerlatitseqqinnerusut.

Tulliullugit pineqarput Oqaasiliortut sulinerannut malittarisassat. Tamatumani erseqqissaatigineqarpoq Oqaasiliortut ukiumoortumik sulinerminnik nalunaarutaani suut sammineqartassanersut. Ilanngullugu nutaartatut aalajangersarneqarput Oqaasiliortut ataatsimiittarnerisa qanoq akulikitsiginissaat, ataatsimiinnerit tamanut ammasuussanngitsut, kisianni ullormut oqaluuserisassat ataatsimiinnermilu nalunaarutit tamanut saqqummiunneqartassasut. Tamatumunnga tunngatillugu periarfissaqartitsineqarpoq ullormut oqaluuserisat ataatsimiinnermilu nalunaarutit ilaasa saqqummiunneqartannginnissaat, pissutissat immikkut ittut taama iliornissat pisariaqartikkaangassuk. Nutaatut aamma malittarisassiorneqarpoq Oqaasiliortut suleriaasiannut allattorsimaffik sunik imaqaassanersoq.

Nutaatut aalajangersarneqarput Oqaasiliortut allattoqarfiata suliassaqarfiit suut suliarissagai, aamma aalajangersarneqarpoq allattoqarfik Oqaasiliortunut ilisimatusaatinik tunngavilikkamik sullissisassasoq. Tamatuma saniatigut nutaatut aalajangersarneqarpoq Naalakkersuisut aalajangersinnaagaat allattoqarfik Naalakkersuisut ingerlatsiviisa arlaanni inissisimasinnaasoq.

Tulliuqput misiliilluni ingerlatsisarnernut malittarisassat, nutaartatut ilanngunneqartut. Tassani aalajangersarneqarpoq Naalakkersuisut akuersissuteqarsinnaasut misiliinernik ingerlatsinissanut Inatsisartut inatsisaanni aalajangersakkat iluanni.

Kiisalu atortuulersitsineq, ikaarsaariarneq aamma atorunnaarsitsinernut aalajangersakkat nalunaarsorneqarput, taamalu Inatsisartut inatsisaat atuuttoq aamma Kalaallit Nunaanni Oqaasiliortut pillugit peqqussut kiisalu Landsråd-it malittarisassiaat kalaallisut allattaatsip allanngortinneqarnera pillugu atorunnaarsinneqarput, ilutigisaanillu Inatsisartut inatsisaat atortuulersinneqarluni. Allattaatsimut malittarisassat atuuttut Landsråd-ip malittarisassiaa 14. maj 1973-imeersoq allattaatsip allanngortinneqarnera pillugu atuuttuuvoq, Oqaasiliortut allanngortinniarlugu aalajangernissaasa tungaannut.

3. Pisortanut aningaasaqarnikkut allaffissornikkullu kingunissai

Siunnersuutip pisortanut aningaasaqarnikkut allaffissornikkullu malunnartumik sunniuteqarnissaa ilimagineqanngilaq.

Malittarisassanut atuuttunut tunngatillugu allannguinernut ilaapput pissutsit allaffissornikinnerunermik kinguneqartussat, aammali suliassat sulisussanik amerlanernik pisariaqartitsilersussat.

Oqaasiliortut kalaallit oqaasiinik nutaanik, oqaatsit naanerinik oqariartaatsinillu akuersissuteqartarunnaarpata tamanna Oqaasiliortunut immiini, pingaartumillu Oqaasiliortut allattoqarfiannut oqiliallaataasussaavoq. Paarlattuanik oqaasersiat kalaallisut taartissaanik

sulianut tunngatillugu aamma suliani oqaatsit atorneqartartut taaguutissaanik immikkut ilisimasalinnit inassuteqartoqarnera aallaavigalugu suliat aningaasartuutaanerussutaasinnaapput. Tassungali atatillugu erseqqissarneqassaaq sulianut tunngatillugu oqaatsinut atorneqartunut ullutsinni akuersisartoqareermat, suliaqarfiillu ataasiakkaat iluini oqaatsinut allattuiffiit sularinissaannut aningaasartuuteqartoqarumaarmat.

Kalaallit atiinik siuliaqutaasunik akuersissuteqartarnissamut Oqaasiliortut pisussaaffeqarnerannik inatsimmi ilanngussisoqarnera allaffissornikkut suliaqarnerulernissamik, taakkualu aqutugalugit aningaasartuuteqarnerunermik kinguneqassanngilaq, tassami suliaasaq tamanna Oqaasiliortunit isumagineqareermat.

Oqaasiliortut pisortatigoortumik kalaallisut allattaatsip aalajangersaanerisa erseqqissaatigineqarnera aningaasartuuteqarnerunermik aamma kinguneqarnaviannngilaq, taamatummi pisussaaffeqarneq inatsimmit atuuttumit aamma paasineqarsinnaammat, Oqaasiliortuniillu tamanna aamma isumagineqartarmat. Allataatsimut tunngatillugu Oqaasiliortut pingaarnertut tunngaviusussanik aalajangersaasartussaareermata, tamanna allaffissornerunermik aamma kinguneqarnaviannngilaq, tamannami Oqaasiliortunit isumagineqareermat.

Oqaasiliortut allattaaseq pillugu ordbogimik aaqqissuisarnerat saqqummersitsinerallu suliaannngilaq nutaaq, suliaananilu aningaasartuuteqarnerunermik kinguneqartussaq.

Inatsimmi aalajangersarneqarpat allattaaseq pisussaaffiussasoq pisortat ingerlatsiviini il.il., tamanna aningaasartuuteqarnerunermik kinguneqassanngilaq, allattaaseq atorneqartoq malinneqareermat. Pisortat allamiut oqaasiisa kalaallisut taartissaannik atuinerat aamma sulianut tunngatillugu oqariaatsinik atuinerat aamma aningaasartuuteqarnerussutaassasut naatsorsuutigineqanngilaq, oqaatsimik aalajangersimasumik atuneq, oqaatsimilli allamik atuinani aningaasaqarnermut sunniuteqanngimmata.

Oqaasiliortunut ilaasortat akissarsiaqartitaanerannut, Oqaasiliortullu ataatsimiinnerisa ingerlattarnerannut tunngatillugu allannguisoqarnissaanut, aningaasartuuteqarnerulernissamillu kinguneqartussamut siunnersuuteqartoqanngilaq.

Naatsorsuusiortoqarnissaanut kukkunersuisoqarnissaanullu piumasarineqartut malinneqareerput, taamaammallu tamanna aningaasartuuteqarnerulernermik kinguneqarnaviannngilaq.

Oqaasiliortut ukiumoortumik nalunaarusiortarnissaat pillugu imarisassaanut piumasaqaatit itisilerneqarput. Taamaattorli maleruagassat naapertorlugit nalunaarusiarineqartarsimasut imarisaanut sanilliullugit annertuumik allannguuteqartoqanngilaq. Nalunaarusiortalernikkut allaffissorluni sulinerulernissaq naatsorsuutigineqanngilaq aningaasartuuteqarnerulernissarlu naatsorsuutigineqarani.

Allattoqarfiup sulinera pillugu siunnersuummi aalajangersarneqartut suleriaatsimut aamma naapertuupput, taamaammallu allaffissornerunermik, tamatumalu kinguneranik aningaasartuuteqarnerunermik kinguneqassanngitsutut nalilerneqarput.

4. Inuussutissarsiortunut Aningaasaqarnikkut allaffissornikkullu kingunerisassat
Siunnersuut inuussutissarsiortunut aningaasatigut allaffissornikkulluunniit kinguneqassanngilaq.

5. Avatangiisinut, pinngortitamut inuttaasullu peqqissusaannut kingunissat
Siunnersuut avatangiisinut, pinngortitamut imaluunniit inuttasut peqqissusaannut kinguneqassanngilaq.

6. Innuttaasunut kingunissai

Siunnersuut isumaqarpoq kalaallit oqaasii Oqaasiliortunit akuerineqaaqqaartussaajunnaarneri, oqaatsinik atuineri oqaatsit eqqortut ilaattut isigineqarsinnaassagunik. Aalajangerneqarpoq Oqaasiliortut siunissami oqaatsitta ineriartornerat malinnaaffigiinnassagaat, taamalu oqaatsinik atuneq aamma oqaatsit isumaat killilersugaanngitsumik ineriartussasut, inuiaqatigiinni ineriartornermut naapertuuttumik atasumillu.

Tamatumunngali ilanngunneqanngitsoq tassaavoq siunnersuummi aalajangersakkat Oqaasiliortut taarsiullugu oqaatsinik pilersitsisassasut, aammalu suliani aalajangersimasuni taaguutit Oqaasiliortunit akuerineqartartussaarneri. Tamanna peqataassaaq kalaallit oqaasiisa ineriartornerannut annertusiartornerannullu, qularnaareqataassallunilu immikkut suliani oqaatsit, imaluunniit fagini assigiinngitsuni oqaatsit nunami tamarmi assigiimmik atugaaleriartornissaannut, taamalu nalornisoqartarnerata imaluunniit paatsoortoqartarnerata suliassaqaarfinni assigiinngitsuni annikinnerulernissaanut.

Kiisalu aamma oqaasersiat taartissaannik atuisarneq aamma suliani taaguutinik atuisarneq, kiisalu allattaatsimi malittarisassat pisortat ingerlatsiviinut pituttuisuulissapput. Siunnersuullu taamaasilluni qularnaareqataassaaq assigiiaartumik oqaatsinik atuineri allattaatsimullu, taamalu pisortat innuttaasunut saaffiginnittarneranni ersarissaaqataassalluni.

7. Pingaarutilittut kinguneqarsinnaasut

Siunnersuut pingaarutilinnut allanut kinguneqartitsinngilaq.

8. Oqartussanik kattuffinnillu il.il. tusarniaaneq

Siunnersuut tusarniaassutigineqarpoq piffissami 19. maj 2016-imiit 24. juni 2016-imut aamma tulliani 14. december 2016-imiit 20. januar 2017, tusarniaavigineqartuni ukunani:

Siulittaasup Naalakkersuisoqarfia, Ineqarnermut, Sanaartornermut Attaveqaatinillu Naalakkersuisoqarfik, Aningasaqarnermut Naalakkersuisoqarfik, Aatsitassanut

Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Inuussutissarsiornermut, Sulisoqarnermut Niuernermullu Naalakkersuisoqarfik, Ilaqtariinnermut, Naligiisitaanermut, Isumaginninnermullu Naalakkersuisoqarfik, Peqqinnissamut Naalakkersuisoqarfik, Pinngortitamut, Avatangiisunut Inatsisinillu Atuutsitsinermit Naalakkersuisoqarfik, Nunanut Allanut Naalakkersuisoqarfik, Kommune Kujalleq, Kommuneqarfik Sermersooq, Qeqqata Kommunia, Qaasuitsup Kommunia, Kommunit Kattuffiat (KANUKOKA), Nunaqarfiit Peqatigiiffiat (KANUNUPE), Oqaasiliortut aamma Nunat Aqqinik Aalajangiisartut Oqaasileriffik aqputigalugu, Kalaallit Atuakkiortut, Ilisimatusarfik, Eqqumiitsuliornikkut Pinngorartitsisut Ingerlatsisullu (EPI), Erinarsoqatigiit Kattuffiat (KNEK), film. gl, Eqqumiitsuliortut Kattuffiat, Nipilersortartut Kattuffiat, Qeqqani erinarsoqatigiit, Nunatta Atuagaateqarfia, Nunatta Katersugaasivissua Allagaateqarfialu, Katersugaasiveqarnermut Ataatsimiititaliaq, Nunatsinni Katersugaasiviit Kattuffiat (NUKAKA), NAPA, Katuaq, Taseralik, Sermermiut, Nunatta Isiginnaartitsisarfia, Utoqqaat Kattuffiat, Inuit Circumpolar Council (ICC), Aalisartut Piniartullu Kattuffiat (KNAPK), Misissueqqaarnerit, KNR, Kalaallit Nunaanni Tusagassiutit Kattuffiat, najukkani Radioqarfiit TV-eqarfillu Kattuffiat, Sermitsiaq AG, Knud Rasmussenip Højskolia, Avannaani Ilinniarnertuunngorniarfik, Qeqqani Ilinniarnertuunngorniarfik, Kalaallit Nunaanni Teknikimik Ilinniarfik (KTI), Campus Kujalleq, Inuussutissalerinermut Ilinniarfik (INUILI), Imarsiornermut Ilinniarfik (Søfartsskolen), Niuernermik Ilinniarfik – Nuuk, Perorsaanermik Ilinniarfik, Savaatilingorniat Atuarfiat, Eqqumiitsuliornermik Ilinniarfik, Sorlak, Avalak, Ili Ili, Meeqqat Pisinnaatitaaffiiniq Sullissivik (MIO), IPIS, Inuit Pisinnaatitaaffii pillugit Kalaallit Nunaata siunnersuisoqatigiivi aamma Inuit Pisinnaatitaaffii pillugit Instituti.

Tusarniaaviumi siullermi tusarniaanermut akissutinik ukunannga tigusaqartoqarpoq: Inuussutissarsiornermut, Suliffeqarnermut Niuernermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Pinngortitamut, Avatangiisunut Nukissiuuteqarnermullu Naalakkersuisoqarfik, Kalaallit Nunaanni Oqaasiliortut, Ilisimatusarfik, Aningaasaqarnermut Sulisoqarnermullu Aqutsisoqarfik aammalu Aningaasaqarnermut Naalakkersuisoqarfik.

Tusarniaanermi akissutaasut taamaallaat ataasiakkaatigut siunnersuummi allannguissamut pissutissaqartitsisimapput, erseqqissaatinik ilassutinillu oqaaseqaatinut. Siunnersuummi § 2, imm. 3-mi allannguisoqarpoq, oqaaseq ”akuersivoq” allanngortinneqarmat ”inassuteqartarnermik” taarserlugu, erseqqissarneqarlunilu akuersisartutut oqartussaassuseq Oqaasiliortuniittoq. Kiisalu siunnersuummi § 6, imm. 2-mi siunnersuummut ilassutigineqarpoq Oqaasiliortut ilaasortaataat minnerpaamik ataaseq oqalutsitut nutserisutullu sulinermit piginnaaneqartuussasoq.

Aappasaanik tusarniaanermi akissuteqaatinik ukunannga tigusaqartoqarpoq:

Nunanut Allanut Pisorta qarfik, Aatsitassanut Ikummatissanullu Naalakkersuisoqarfik, Ilaqutariinnermut, Naligiissitaanermut Isumaginninnermullu Naalakkersuisoqarfik, Aningaasaqarnermut Akileraartanermullu Naalakkersuisoqarfik, Oqaasiliortut aamma ICC.

Tusarniaanermut akissutit siunnersuummut oqaaseqaatini allannguissamut pissutissaqartitsisimangillat.

Aappasaanik tusarniaanerup kingorna § 4, imm. 1-imut oqaaseqaatini erseqqissaammik ikkussisoqarpoq, allattaatsimi ileqqunik pingaarnernik aalajanersaaneq aamma inuit aqqinik allannissamut ileqqussanik aalajangersaanernik ilaqarsinnaasut.

Nr.	Tusarniaavigineqartoq	Oqaaseqaatit	Oqaaseqaammut isummersuutit
Tusarniaaneq siulleq:			
1	Inuussutissarsiornermut Suliffeqarnermut Niuernermullu Naalakkersuisoqarfik	Siunnersuummut oqaaseqaateqanngilaq.	Siunnersuummi allannguissamut tunngavissiinngilaq.
2	Aalisarnermut, Piniarnermut Nunalerinermullu Naalakkersuisoqarfik	Siunnersuummut oqaaseqaateqanngilaq.	Siunnersuummi allannguissamut tunngavissiinngilaq.
3	Pinnortitamut, Avatangiisinut Nukissiuuteqarnermullu Naalakkersuisoqarfik	Siunnersuummut oqaaseqaateqanngilaq.	Siunnersuummi allannguissamut tunngavissiinngilaq.
4.1	Aningaasaqarnermut Sulisoqarnermullu Aqutsisoqarfik (ASA)	ASA-mi Nutserisut Allafiata ilisimatitsissutigaa allaffiup nutsigassat oqalutsitullu suliassat Namminersorlutik Oqartussani allaffissornikkut ingerlatsivinni suliassaatit isumagisaralugit, aammalu akisussaaffigalugu pisortani elektroniskiusumik nutserinermi atortorissarutip TMS-ip Kalaallit Nunaanni pisortani atortuulersikkiartorneqarnera.	Siunnersuummi allannguissamut tunngavissiinngilaq. Oqaaseqaat isiginiarneqassaaq tigussaasumik siunnersuutit, ASA-mit saqqummiunneqarnikuusutut, uani ataani oqaaseqarfigineqartoq.

		<p>Pitsaassuseq naammassisaqarsinnaassuserlu qularnaarumallugit TMS-imut pisariaqarpoq taaguusersuutitut qarasaasiami toqqorsiviup ineriartortinneqarnissaa Oqaasilerifiup akisussaaffigisaa. 2013-imiit taaguusersuutit 25-it taaguusersuutitut databasemut ilineqarsimapput. TMS aamma taaguusersuutitut qarasaasiami toqqorsivik suliniutaapput imminnut atasumik ingerlasussat. Taaguusersuutitut database qularnaarissaaq pitsaassutsimik assigiissaarnermillu kalaallit oqaasii- ni, tamatumalu saniatigut nutsigassanik suliaqartar- nerni naammassisaqarsin- naane-rulernissamut aqqu- tissiuussisuussalluni. Pis- sutaasut ilaat ullumikkut taaguusersuutitut nalu- naarsuiffimmi databasemi oqaatsit amerlanerunngin- nerannut pissutaasut ila- gaat maanna Oqaasiliortut katitsigaanerat aallutallu digitaliusumik ineriartor- titsinermik taper- sersuisuunnginnerat, suli- assaqarfimmi periarfis- saasumik.</p> <p>ASA-p suliassaqarfimmi tassani pitsaasunik allan- guisoqarnissaa qilanaa- raa, inatsit nutaaq aqqu- galugu, pingasunillu siun- nersuuteqarluni, pingaar-</p>	
--	--	---	--

		nertut siunnerfeqartunik qularnaarinissamik Oqaasiliortut sulinerisa taper-sersussagaat kalaallit oqaasiisa pisortat ingerlatsineranni atornerqarnerat.	
4.2	Aningaasaqarnermut Sulisoqarnermullu Aqutsisoqarfik (ASA)	<p>ASA siunnersuuteqarpoq pisortani nutserisut sinniisuannik Oqaasiliortuni peqataasoqassasoq. Taamaaliornikkut qularnaarneqassammat Oqaasiliortut sulinerini oqalutsit aamma nutserisut ajornartorsiutit aqqusaartagaat isiginiarneqarsinnaasut, taamalu suliat aallaaveqarlutik ingerlatsinermit tigussaasumillu atornerqarsinnaallutik. Pingaaruteqarpoq siumut sammisumik suliani oqaatsinut tunngatillugu professioneliusumik atui-neq tunngaviussasoq, taamalu ilinniagartuut akornanni oqallinnerinnaanani. Tamatuma sania-tigut qularnaarneqassaaq Oqaasiliortut sulinerat digitaliusumik ingerlatsinermik aallaaveqarnis-saa.</p> <p>Siunnersuutigineqarpoq siunnersuummi § 6 ilaneqas-sasoq nr. 3-mik, aalajangii-sumik Naalakkersuisu-ni aamma Inatsisartuni nutse-risut ataatsimoorlu-tik ilaa-sortassamik ata-atsumik toq-qaasassasut.</p>	<p>Oqaaseqaat kinguneqarpoq siunnersuummi § 6, imm. 2-p allanngortinneqarneranik, (maanna § 6, imm. 5).</p> <p>Nutserisut allaffii aaq-qissuussaannikkut Naalakkersuisoqarfiit aki-sussasut Inatsisartullu Allat-toqarfianni inissi-simasuummata, pissu-sissamisoortinneqanngilaq taakkua ataatsimut inas-suteqartarnermik tunissal-lugit.</p> <p>Siunnersuummi qitiusutut isigineqarmat Oqaasiliortut oqalutsit nutserisullu piginnaasaannik ilisimasaqarnis-saat, siunnersuummi § 6, imm. 2-mi oqaaseqatigiinnik nutaanik ikkussisoqarpoq, (maanna § 6, imm. 5). Tassani aalajangerneqarpoq minnerpaamik ilaasortaq ataaseq piginnaaneqassasoq oqalutsit nutserisullu suliaanni. Taamaasilluni periar-fissaalerpoq toqqaasoqarsinnaanera ataatsimik arlalinniluunniit taamatut piginnaanilinnik, Ilisimatusarfimmiit inassuteqartoqarneratigut imaluunniit Kalaallit Atuak-kiortuniit, imaluunniit Naalakkersuisut namminneq toqqaanerisigut inassute-</p>

			qartitseqqaaratik. Naalak-kersuisut tamatumunnga atattillugu nutserisoqarfinit eqqaaneqartunit toqqarneqarsinnaasutut siunnersuuteqartitsisinnaapput. (Maanna siunnersuummi ilaavoq § 6 imm. 5 imaattumik oqaasertalik: Minnerpaamik ilaasortaq ataaseq oqaluttanermi aamma nutserisuummi sulianik piginnaaneqartuussaaq.)
4.3	Aningaasaqarnermut Sulisoqarnermullu Aqutsisoqarfik (ASA)	<p>ASA-p nalunaarpaa ullumikkut Oqaasiliortut akuersisartuusut taaguusersuutinut, taamaattut atorneqarsinnaalinnginnerini. Nutserisut allaffianni sulinermi ingerlalluarnermilu assut apeqqutaapput, taaguutit pineqartut akuerineqartarneri, sukkasuumillu tamatuma pisarnissaa. Ineriartornermut suliasaqarfimmilu tullerriiarinermut naapertuutinngilaq Oqaasiliortut ukiumut marloriaannarlutik naapittarneri.</p> <p>ASA-p taamaattumik siunnersuutigaa Oqaasiliortut minnerpaamik qaammatit pingasukkaarlugit naapittassasut. Tamatumunngalu taarsiullugu periarfissaa-sinnaavoq Oqaasileriffiup suliasat annertunerusut tiggummissagai, oqaatsinik akuersissuteqartarnerni, oqaatsillu ataatsimut tunngaviusunik aallaaveqartumik naliliivigineqartus-</p>	<p>Siunnersuummi allanguinissamut pissutis-saqartitsinngilaq.</p> <p>Siunnersuut tunngaveqartutut isikkoqarpoq Oqaasiliortut suli oqaatsinik nutaanik, oqaatsip sannaanik oqariartaatsinillu akuersisartuunissaannik. Taamaattoqanngilaq, Oqaasiliortut siunnersuut tunngavigalugu periarfissaqassammata allamiut oqaasiinut taartaasus-sanik pilersitsisarnissamik, tamatumalu saniatigut taamaallaat immikkut suliasaqarfinni taaguusersuutinik akuersisassallutik.</p> <p>Taamaattumik pissutissaqartinneqanngilaq piumasarsallugu Oqaasiliortut qaammatit pingasukkaamik kater-suuttarnissaat. Siunnersuummi § 14-imi aalajangersagaavoq Oqaasiliortut minnerpaamik ukiumut marloriarlutik ataatsimiittarnissaat. Tamatumalu akornusinngilaa amerlane-</p>

		sat kisimik Oqaasiliortunut saqqummiunneqartassasut.	rusunik ataatsimiittoqar-tarsinnaanera, pisaria-qartitsisoqarpat. Naatsorsuutaavoq Oqaasiliortut ataatsimiittarnitik pisariaqartitsinertik naapertorlugu aaqqissuuttassagaat.
4.4	Aningaasaqarnermut Sulisoqarnermullu Aqutsisoqarfik (ASA)	<p>ASA-p qilanaaraa suleqatigiissitanik immikkut ilisimasalinnik pilersitsisoqartalernissaa suliani taaguutininik akuersisartus-sanik. Tamatuma suliasaqarfimmi tassani siuariartortoqarsinnaanera aqqu-tissiuutissavaa.</p> <p>ASA-p siunnersuutigaa ilisimasat maanna pio-reersut ilanngullugu ator-neqartassasoq, Naalakkersuisoqarfiit suliami susassaqtut pisortallu nutserisoqarfiisa peqataatinneqarnerisigut siunissamut sammisumik suliani. ASA-p ilanngullugu nalunaarpaa pingaaruteqartoq qularnaassallugit fagini immikkut taaguutininut piginnaasat pigineqartut, ineriartortinneqartullu, kiisalu fagini taaguutit nalunaarsukkat taaguutininut databasemi ilanngunneqartarnissaat. Tamanna tapersersorneqarsinnaavoq pisortat nutserinermi oqaluttaanermilu allaffiisa Oqaasiliortuni sinniisoqartinne-risigut.</p>	<p>Siunnersuummi allannguinsamut pissutissaqartitsinngilaq, kisiannili § 2, imm. 3-mut oqaaseqaatini allannguinermik kinguneqarluni.</p> <p>Siunnersuummut oqaaseqaatini § 2, imm. 3-mut ilassutigineqarpoq Oqaasiliortut suleqatigiissitanik immikkut ilisimasalinnik inuttalinnik pilersitsinerni tamatigut nalilersortassagaat naleqquttuunersoq inunnik nutserinermik oqalutsitulluunniit suliani immikkut ilisimasaqartunik peqataatitsisarnissaq, imaluunniit allanik oqaatsinik pineqartunik atuinermi immikkut suliassaqarfimmi pineqartumi ilisimasaqartunik.</p>
5	Aningaasaqarner-	Naalakkersuisoqarfiup	Siunnersuummi allan-

	mut Naalakkersuisoqarfik	ASA-ip tusarniaanermi oqaaseqaataa ilalerpaa, annertunerusunillu siunnersuummut oqaaseqaatissaqarani.	nguinissamut tunngavissiingilaq.
6.1	Kalaallit Nunaanni Oqaasiliortut	Oqaasiliortut nuannarutigaa inatsisissatut siunnersuummi ersarissumik nalunaarneqarmat kalaallit oqaasiisa atavartinnissaat, siuarsannissaat aamma patajallisarnissaat, siunertaralugu ersarissarneqassasoq suliassalersussat maannalu suliat qanoq suliarneqartarnissaat.	Siunnersuummi allannguinissamut tunngavissiingilaq.
6.2	Kalaallit Nunaanni Oqaasiliortut	Oqaasiliortut ilalersinnaangilaat kalaallisut aallaavilinnik siuliaqutinik akuersisarnerup Oqaasiliortunit suliassaanissaa, suliassaq taanna annertuujummat suliassallu allat pingaaruteqartut kalluarneqartussanngussammata. Oqaasileriffiup ilisimatitsissutigaa maanna avataaniit angingaasalersuineq atorlugu suliat ukioq ataaseq ingerlatseqqinneqarsinnaasammata allannguuteqanngitsumik, taavalu 2017-imiit naatsorsuutigisariaqassasoq kiffartuussineq taanna taamatut pitsaassuseqarunnaassasoq. Ilanngullugu nalunaarne-	Siunnersuummi allannguinissamut tunngavissiingilaq. Soorlu siunnersuummut oqaaseqaatini nalunaarneqartoq suliassamik matuminnga Inatsisartut inatsisaanni aalajangersaaneq pisoq siunerfigalugu inatsisiliornikkut aalajangerniarlugu kia akissusaaffik tigummineraa. Ilanngullugu nalunaarneqarpoq Oqaasiliortut nalilernerqartut pitsaanerpaanik tunngavissaqartut suliassap taassuma tigumminissaanut, tamannalu aamma nalilernerqartoq pissutsinik atuutunik naqissusiinertut, Naalakkersuisunit allaffissornikkut aalajangersarneqareersunik. Oqaasiliortut katitsigaanermikkut ilaasortallu piginnaasaasigut isigineqarput suliassamik taassumin-

		<p>qarpoq Oqaasiliortut inuit siuliaqutaannik akuersarnermut killeqartunik ilisimasaqarmata ataatsimiinnerit arlallit ingerlattariaqassasut, taamaattumillu inatsisissamut oqaaseqaatini allanneqartariaqartoq tamanna aningaasanik naleqassasoq.</p>	<p>nga tigumiarnissamut tullu- artutut.</p> <p>Ataatsimiinnerit amerlassusissaannut tunngatillugu tamanna tunngavilersugaanngitsutut Naalackersuisut nalilerpaat. Oqaasiliortut piffisami matumani suliassaqtitaapput Naalackersuisut aalajangiinerinik tunngaveqartunik. Allaffissornikkut suliassat maannamutut Oqaasileriffimmit isumagineqartassapput.</p> <p>Suliassap isumagineqarnissaanut tunngatillugu naatsorsuutigineqarpoq taanna naammaginartumik suliari- neqarsinnaasoq, aningaasaliissutaareersut iluanni.</p> <p>Soorlu siunnersuummut oqaaseqaatini nalunaarneqartoq naatsorsuutigineqanngilaq siunnersuut immikkut malunnaatilinnik aningaasartuutunik allaffissornikkullu nammatassanik pisortat kinguneqartussatut. Malittarisassanut atuuttuusunut sannilliullugu allannguutaasut allaffissornerup annikin- ruleranik suliassanillu nukinnik atuiffiunerusassanik kinguneqassaaq. Tassani innersuunneqassapput itisilerutaasunik aningaasaqarnikkut allaffissornikkullu siunnersuutip kingunerisassaasut pisortanut allaaserisat siunnersuummut oqaaseqaatini.</p>
--	--	---	--

		ilaassasut.	<p>Siunnersuummi § 2, imm. 1, nr. 3 (manna siunnersuummi § 2, imm. 1, nr. 4) aalajangersagaavoq danskit peqqussutaanni, suliassaqarfimmi suli tiguneqanngitsumiittoq (ilaqutariinnut tunngasumik inatsisit). Taamaattumik Kalaallit Nunaat nammineq aalajangersaasinnaangilaq malittarisassanik atinut nunanit allanit aallaaveqartunut, kalaalinngorsagaasimasunullu.</p> <p>Siunnersuummut oqaaseqaatini nalunaarneqartutut oqariaaseq ”siuliaqutit kalaallinit aallaavillit” paasineqassaaq aqqit pillugit inatsimmi tamatuma paasineqartarnera naapertorlugu.</p> <p>Ilisimatitsissutigineqassaaq Ilinniartitaanermut, Kulturreqarnermut, Ilisimatusarnermut Ilageeqarnermullu Naalakkersuisup aamma danskit isumaginninnermut nunamullu namminermut miniseriaqarfiata, -Social- og Indenrigsministerium – akornanni suliamik aallartitsisoqarmat inatsit Kalaallit Nunaanni aqqit pillugit atuuttoq nutarterniarlugu.</p>
6.5	Kalaallit Nunaanni Oqaasiliortut	Oqaasiliortut erseqqis-saatigissavaat fagini taaguutit pillugit suliata Oqaasiliortunut nutaajungimmata. Suliaq tamanna ukiut arlallit suliffeqarfiit assigiinngitsut suleqatigalugit	<p>Siunnersuummi allanguinissamat tunngavissiinnngilaq.</p> <p>Siunnersuummut oqaaseqaatini aamma nalunaarsorneqarpoq ullumikkut fagini assigiinngitsuni taaguutinik</p>

		<p>avataaniillu aningaasalersukkamik ingerlanneqarsimavoq, soorlu aamma tamanna Oqaasiliortut ukiumoortumik nalunaarusiaanni ersittoq. Oqaasiliortut erseqsissaatigissavaat suliap tamatuma aningaasalersorneqarnissaa peqqisaartumik pilersaarusiugassaasoq.</p>	<p>akuersisarneq suliaareersoq, aammalu aningaasartuuteqartoqartarmat taaguutit allattorsimaffiannut, fagit assigiinngitsut ataasiakkaat nammineq iluanni.</p>
6.6	Kalaallit Nunaanni Oqaasiliortut	<p>Oqaasiliortut malugeqqussavaat iluarsisoqarnissaa pisariaqarmat siunnersuummi § 2, imm. 3-mi, Oqaasiliortut kisimik akuersisinnaatitaammata, takuuk siunnersuummi § 1, imm. 2, nr.2. Oqaasiliortut siunnersuutigaat akuersisartut taarserneqassasoq inassuteqartartunik.</p>	<p>Oqaaseqaat pissutissaqartitsisimavoq siunnersuummi § 2, imm. 3-mi allannguinisamat.</p> <p>Kukkunerusimavoq allasimmamat ”akuersissutigissa-gaat”, allasimasussaasoq ”inassuteqartartunik”.</p>
6.7	Kalaallit Nunaanni Oqaasiliortut	<p>Oqaasiliortut nuannarutigaa allannermut najoqqutassaq ordbogi – siunnersuummi peqqissaartumik sammineqarsimammat.</p> <p>Tamatumunnga atatillugu oqaatigineqassaaq Oqaasileriffiup 1999-imili pilersinneqarneraniilli periarfissaqarsimangitsoq allattaatsimut ordbogi saqqummersissallugu, aningaasatigut periarfissat killeqarnerat pissutigalugu. Oqaasiliortullu taamaattumik malugeqqussavaat suliasat taanna piviusunngortinneqar-</p>	<p>Siunnersuummi allannguinisamat tunngavissinngilaq.</p> <p>Allattaatsimut ordbog-imik suliaqarneq suliaq nutaajunngilaq, soorlu tamanna nalunaarummi atuuttumi taku-neqarsinnaasoq. Suliassaq taamaattumik aningaasartuuteqarnerunermik kinguneqartussaannngilaq.</p> <p>Ordbog-inik allanik suliaqarnissaaq pisussaaffiunngilaq Oqaasiliortunut siunnersuut naapertorlugu.</p>

		<p>sinnaanngimmat ilassutigut aningaasaliisoqanngippat.</p> <p>Pissutsillu taamaapput ordboginik suliaqarniarnermut tunngatillugu ataatsimut isigaluni. Tamatumunnga atatillugu Oqaasiliortut inassutigaat leksigrafimi immikkut ilisimasalinnik marlunnik Oqaasileriffimmi atorfinititsisoqassasoq ordboginik suliaqartussanik.</p>	
6.8	Kalaallit Nunaanni Oqaasiliortut	<p>Oqaasiliortut oqaatigaat maanna ilaasortaasut 2015-imi toqqagaasut. Oqaasiliortut kissaatigaat maanna ilaasortaasut issiaannassasut, inatsisip nutaap atortuulernerani, suliat ingerlasut kinguartooqqunagit.</p>	<p>Siunnersuummi allannguinissamut tunngavissinngilaq.</p> <p>Siunnersuummi § 6, imm. 2-mi (maanna siunnersuummi § 6, imm. 3) aalajangersagaavoq Oqaasiliortut ataatsimut oqaatitsigut suliat, inuiaqatigiinni suliat aamma kulturikkut ilisimasat, ilaasortallu aalajangersimasumik Kalaallit Nunaanni najugaqassallutik.</p> <p>Aalajangersakkami nalunaarsorneqarput piginnaasatigut piumasarineqartut ataatsimut Oqaasiliortunut. Pिंगaartutut isigineqarpoq piginnaasat taakkua qularnaarneqassasut Oqaasiliortut pilersinneqarneranni.</p> <p>(Maanna siunnersuutaasumi ilanngunneqarpoq § 6, imm. 4 imaattunik oqaasertalik: Ilaasortat ataasiakkaat tarmik suliaqarfimmi arlaariinniluunniit piginnaaneqar-</p>

			<p>tuussapput, Oqaasiliortut a-taatsimut sinniisuuffigisaanni, takuuk imm. 3.)</p> <p>Kiisalu periarfissaavoq maanna ilaasortasut Naalakkersuisunit toqqaqqinneqarsinnaaneri.</p>
6.9	Kalaallit Nunaanni Oqaasiliortut	Oqaasiliortut inassutigaaq attaveqaqatigiinnermik suliaqartussamik atorfini-titsisoqassasoq, Oqaasiliortut suliaannik ingerlatitseqqittartussamik.	<p>Siunnersuummi allannguissamut tunngavissiinnigilaq.</p> <p>Oqaasiliortut nutaanik suliassinneqanngillat suliat ingerlatseqqinneqartarnerinut atatillugu.</p> <p>Ingerlatitseqqittarnermik suliassaq naatsorsuutigineqarpoq aningaasaliissutaareersut iluanni pisassasoq.</p>
7	Ilisimatusarfik	Siunnersuummut oqaaseqaateqanngilaq.	Siunnersuummi allannguissamut tunngavissiinnigilaq.
Tusarniaaneriit aappaat:			
8	Nunanut Allanut Pisortaqarfik	Siunnersuummut oqaaseqaateqanngilaq.	Siunnersuummi allannguissamut tunngavissiinnigilaq.
9	Aatsitassanut Ikummatissanullu Naalakkersuisoqarfik	Siunnersuummut oqaaseqaateqanngilaq.	Siunnersuummi allannguissamut tunngavissiinnigilaq.
10.1	Aningaasaqarnermut Sulisoqarnermullu Aqutsisoqarfik (ASA)	ASA-mi Nutserisut Allaffiata ilisimatitsissutigaa allaffiup nutsigassat oqalutsitullu suliassat Namminersorlutik Oqartussani allaffissornikkut ingerlativinni suliassaatit isumagisaralugit. Aammalu akissusaaffigalugu pisortani elektroniskiusumik nutserinermi atortorissaarutip	<p>Siunnersuummi allannguissamut tunngavissiinnigilaq.</p> <p>Oqaaseqaat isigineqassaaq tunuliaqutaasutut siunnersuummut ASA-mit saqqummiunneqartumit, ataanilu oqaaseqarfigineqartumit.</p>

		<p>TMS-ip Kalaallit Nunaan- ni pisortani atortuulersik- kiartorneqarnera. Pitsaas- suseq naammassisa- qarsinnaassuserlu qu- larnaarumallugit TMS- imut pisariaqarpoq taagu- sersuutitut qarasaasiami toqqorsiviup ineriartortin- neqarnissaa. Database-p oqaatsinik immer- sorneqarnissaa qularnaar- neqassappat pingaar- teqarpoq massakkut Oqaa- siliortuusut digitaliusumik ineriartortitsinermik sulia- nik tapersersuinissaat.</p>	
<p>10. 2</p>	<p>Aningaasaqarner- mut Sulisoqarner- mullu Aqutsiso- qarfik (ASA)</p>	<p>ASA-p qilanaaraa siunner- suut Oqaasiliortuni ilaasor- taq ataaseq kattuffimmiit nutserisunut aamma oqalu- tsinut sinniisuusumiit inut- talerneqarnissaa, siunner- summi § 6, imm. 1 nr. 5- imut atatillugu.</p> <p>ASA isumaqanngilaq siun- nersuut oqalutsit ullumik- kut qanoq peqatigiiffittut aaqqissuussimanerannik ersersitsisusooq.</p> <p>Oqalutsit ullumikkut peqatigiiffimmi ataatsimi ilaasortaangillat. Erser- nerlupporlu peqatigiiffiup sorliup inassuteqarsinnaa- neq tigummineraa, taman- nalu ajornartorsiutinik akerleriinnernillu piler- sitsisinnaavoq. Ajorner- paamik pisoqarpat para- graffi tigussaasumik ator- neqarsinnaassanngilaq, ilaasortassamillu toqqaaso- qarsinnaassanani.</p>	<p>Siunnersuummi allan- guinissamat tunnga- vissiinnngilaq.</p> <p>Siunnersuummi § 6, imm. 1, nr. 5-imi oqaasertaliineq tas- sa igisineqassaaq oqalutsit ullumikkut kattuffimmi ataa- tsimi ilaasortaannnginnerat tunnngavigalugu. Naalak- kersuisoqarfiup taamaat- tumik pissusissamisoortutut nalilersimavaa, siumut aala- jangereerneqassanngitsoq kattuffik aalajangersimasooq inassuteqartartussatut.</p> <p>Maanna oqaasertaliun- neqarsimasooq naapertorlugu tassa periarfissaarpiarpoq kattuffik nutserisunut pitsaa- nerpaamik sinniisuusutut isigineqartoq toqqassallugu.</p> <p>Nutserisut allaffii Nammi- nersorlutik Oqartussani</p>

		<p>ASA-p siunnersuutigaa § 6, imm. 1, nr. 5 allanngortinneqassasoq imaasillugu: 5) Pisortat nutserisoqarfii Namminersorlutik Oqartussani aamma Kommuni.</p>	<p>aaqqissuussaaniikkut akissuusaasumi Naalakkersuisoqarfirmi aammalu Inatsisartut allattoqarfianni inissisimasuupput, pissusissamisoortutullu isigineqanngilaq taakkua inassuteqartartut inissisimatinneqarnissaat.</p>
10.3	<p>Aningaasaqarnermut Sulisoqarnermullu Aqutsisoqarfik (ASA)</p>	<p>ASA-p inassutigaa siunnersuummi § 6, imm. 5 annertusineqassasoq Oqaasiliortuni ilaasortat marluk oqalutsitut nutserisutullu piginnaaneqartuussasut. Taamaaliornikkut qularnaarneqassaaq Oqaasiliortut sulineranni oqalutsit nutserisullu ulluinnarni ajornartorsiutit misigisartagaasa ilisimasaasalu iluaqutigineqarlutik atorneqarnissaat. Pingaaruteqarpoq siumut sammisumik oqaatsinik atuinerup ineriartortinneqarnissaa, ulluinnarni misilittagaasunik aallaaveqartumik, ilinniagartuut akornanni oqalinnerinnaanngitsu-mik.</p>	<p>Siunnersuummi allannguinnissamut tunngavissinngilaq.</p> <p>Naalakkersuisoqarfiup nalilerpaa aalajangersakkap maanna siunnersuummi § 6, imm. 5-ip naammaginartumik naapigiaraa piginnaasanik ilisimasanik misilittakanillu iluaquteqarnissaaq, oqalutsinit nutserisunillu tunniunneqarsinnaasoq. Tamannalu isiginiarneqassaaq ataqatigiittumik imm. 1 aamma imm. 3-mut, taakkua qularnaarinnimmata Oqaasiliortut ataatsimut ilaasortaqarnissaannut siammasissunik piginnaanilinnik, oqaatsit sannaannut, inuiaqatigiinnut kulturimullu tunngasutigut.</p>
10.4	<p>Aningaasaqarnermut Sulisoqarnermullu Aqutsisoqarfik (ASA)</p>	<p>ASA-p siunnersuutigaa Oqaasiliortut minnerpaamik qaammatit pingasukkaartumik ataatsimiittarnissaat. Ullumikkut Oqaasiliortut fagini taagutunik nutaanik akuersisartuupput. Nutserisoqarfirmi digitaliusumillu ingerlatsinermi assut aalajangiisuvoq Oqaasiliortut fagini taagutunik pineqartunik akuersisarneri, tamatumalu sukka-</p>	<p>Siunnersuummi allannguinnissamut tunngavissinngilaq.</p> <p>Siunnersuut suliaarpasippoq naatsorsuutigalugu Oqaasiliortut suli oqaatsinik nutaanik, ilutsinik aamma allanngorfinnik akuersisartuussasut. Taamaattoqanngilaq, tassami Oqaasiliortut siunnersuut naapertorlugu allamiut oqaasiisa oqaasersiat</p>

		<p>suumik pisarnera. Ineriartornermut tamatumunnga naapertuutinnigilaq, Oqaasiliortut taamaallaat ukiutumut marloriarlutik naapitarneri.</p> <p>Periarfissaavoq Oqaasileriffiup suliassani annerusunik tigummiartuulernissaa, oqaatsinik akuersisarnernut atatillugu, oqaatsillu kisiisa tunngaviusumik immikkut nalilerneqartariaqartut Oqaasiliortunut saqummiunneqartalerlutik.</p>	<p>kalaallisut taartissaannik pilersitsisarnissamut periarfissaqassammata, tamatumalu saniatigut suliassaqarfinni taaguutinik akuersisassallutik.</p> <p>Taamaattumik pisariaqartinneqanngilaq piumasarisallugu Oqaasiliortut minnerpaamik qaammatit pingasukaartumik ataatsimiittassasut. Siunnersuummi § 14, imm. 1-imi aalajangersagaavoq Oqaasiliortut ukiumut ikinerpaamik marloriarlutik ataatsimiittassasut. Tamatumalu akornusinngilaa ataatsimiittarnerit amerlanerusinnaaneri, tamanna pisariaqartinneqarpat. Tunngavioq naatsorsuutaasoq Oqaasiliortut ataatsimiittarnermi akutussusissaat pisariaqartitsineq naapertorlugu aqqissuuttassagaat.</p>
11.1	Kalaallit Nunaanni Oqaasiliortut	<p>Oqaasiliortut kissaatigaat Ilinniartitaanermut Aqutsisoqarfik Oqaasiliortuni ilaasortassanik toqqaasalisasooq, Nunatta Atuagaateqarfianut taarsiullugu. Ilinniartitaanermut Aqutsisoqarfik fagini taaguutinik ulluinnarni sulinermi peqataavoq, assersuutigalugu ilinniutoriormi, fagkonsulentini, nalilersuisarnerni aamma atortussanik ineriartortitsinerni, meeqqanut atualerseq sioqqullugu atorneqartuniit ingerlaqqiffiusumik ilinniartitaanerni. Taamaattumik taakkua</p>	<p>Siunnersuummi allannguinnissamut tunngavissiiingilaq.</p> <p>Nunatta Atuagaateqarfia ilaavoq inassuteqartartut illuatungiusuni, ingerlatsivik sulinermigut nalilerneqarmat oqaatsinut fagitigut, inuiaqatigiinni pissutsinut aamma kulturikkut ingerlaatsimut tunngasuni ilisimasaqartut.</p> <p>Ilinniartitaanermut Aqutsisoqarfiup ingerlatsinera ilinniartitaanerni pissutsinut kil-</p>

		<p>naleqquttuunerupput Oqaasiliortuni sinniisoqartussatut, soorluttaaq fagini taaguutit nutaat akuerineqartartut sukkanerusumik Ilinniartitaanermut Aqutsisoqarfik aqputigalugu siammarterneqartartut.</p>	<p>leqarpoq, Aqutsisoqarfillu taamaasilluni periarfissaqanngilaq Nunatta Atuagaateqarfiatulli siammasitsigisumik tunniussaqaartarnissamat, oqaatsinut tunngasunik suliassaqaarfimmi.</p> <p>Oqaatigineqassaarlu aamma piumasqaataaangimmat Nunatta Atuagaateqarfianit inassutigineqartut tassani sulisuussasut.</p> <p>Siunnersuummi § 6, imm. 3 naapertorlugu Oqaasiliortut ataatsimut sinniisuuffigissa-vaat oqaatsinut tunngasunik ilisimasat, inuiaqatigiinni ilisimasat aamma kulturikkut ilisimasat. Inassuteqartartut allat peqatigalugit Nunatta Atuagaateqarfia Naalakkersuisut isumaat naapertorlugu piginnaanernik pingaaruteqartunik tigummi-artuupput, ilisimasani teoretiskiusuni aamma tigussaane-rusuni, tamatumuunalu tunngavilerneqarpoq Kalaallit Nunaanni Oqaasiliortunut toqqarneqarsinnaasutut piuk-kunnartut pitsaanerpaat ujar-neqarsinnaasut.</p> <p>Ineriartornermut naleqquttu-mik faginilu taaguutinik akuersisarnermi ilinniartitaaner-nut tunngasuni siunnersuum-mi § 2, imm. 3 naapertorlugu immikkut suleqatigiinnik immikkut ilisimasalinnik fagini taaguutinik Oqaasiliort-</p>
--	--	--	---

			tuni akuerineqartussanik suliaqartartunik pilersitsisoqarsinnaavoq.
11.2	Kalaallit Nunaanni Oqaasiliortut	Oqaasiliortut suliassat anertupput Dansk Sprog-nævn-ilu minnerpaamik qaffasissumik ilinniagalinnik 15-inik sulisoqarluni. Kalaallit Nunaanni Oqaasiliortut suliassatik tamaasa naammassisinnaassapatigit pitsaassusilimmik Naalakkersuisut Oqaasiliortut suliassat naammassineqarsinnaaqqullugit sulisussanik nutaanik 3-nik atorfinittisariaqarput, Oqaasiliortut suliassaminnik naammassinninniarnerni sulisussanik.	Siunnersuummi allanguinissamut tunngavissiingilaq. Naalakkersuisut Oqaasiliortutulli isumaqanngillat, suliut ilaneqartariaqartut oqaasiliortut pitsaassusilimmik sulihaminnik ingerlatsisinnannissaannut. Siunnersuutip aningaasatigit kingunerisassaanut immikkoortumi oqaaseqaatinut innersuussisoqassaaq.
11.3	Kalaallit Nunaanni Oqaasiliortut	Inatsisissatut siunnersuummut danskisut oqaaseqaatini qupperneq 8-mi allannermut ordbogimi retskrivningsordbogi – Oqaasiliortut isumaqatiginngilaat oqaasertaliineq imaattoq: 'suliassaq nutaajunngilaq aningaasartuuteqarnerusutaasussaq'. Aatsaavissuaq taamak ersaritsigisumik aalajanger-toqarpoq suliassaq taanna Oqaasiliortuniissasoq, taamaattumillu aningaasartuusaasussanut aningaasaliissutinik malinnaasooqartariaqarpoq, minnerpaamik sulisumik ataatsimik.	Siunnersuummi allanguinissamut tunngavissiingilaq. Kalaallit Nunaanni Oqaasiliortut pillugit nalunaarummi § 2, imm. 1 nr. 2-mi ersarissumik nalunaarneqarpoq Oqaasiliortut aamma suliassarigaat aaqqissuutissallugu saqqummersissallugulu kalaallisut ordbogi allannermi najoqqutassaq. Allannermi najoqqutassamik ordbogimik suliaqarnissaq Oqaasiliortuniissimavoq nalunaarusiap atortuulernerniilli ulloq 1. juni 1990, taamaattumik suliassaq nutaaq pineqanngilaq. Suliassat siusinnerusuni aa-

			lajangersakkaniittut ingerlatiinnarneqarneri aningaasartuuteqarnerunissamut tungaviusinnaasutut isigineqanngilaq.
11.4	Kalaallit Nunaanni Oqaasiliortut	Oqaasiliortullu aamma is-suarpaat juni 2016-imi siul-lermik tusarniaanermut oqaaseqaatertik.	Siunnersuummi allan- nguissamut tunnga- vissiinnngilaq. Tusarniaanermut akissutitut allakkiami imm. 6.1-6.9-mut innersuussisoqassaaq.
12	ICC	Siunnersuummut oqaase- qaateqanngilaq.	Siunnersuummi allan- nguissamut tunnga- vissiinnngilaq.
13	Nunatta Atuagaa- teqarfia	Siunnersuummut oqaase- qaateqanngilaq.	Siunnersuummi allan- nguissamut tunnga- vissiinnngilaq.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Imm. 1-imut

Aalajangersagaq nutaajuvoq.

Inatsisissap atuuffissaanik nalunaarsuinermi aalajangersaavigissallugu pissusissamisoortutut isigineqarpoq sooq Oqaasiliortut pilersinneqarsimanersut. Tamatumani takussaavoq Oqaasiliortunik pilersitsinermi siunertaasoq kalaallit oqaasiisa ataavartinnissaat, siuarsarnissaat patajaallisarnissaallu, oqaatsit kulturimik attassisutut aamma attaveqatigiissutaasutut atuuffiisigut.

”Kalaallit oqaasii” paasineqassapput Oqaatsinut politikki pillugu Inatsisartut inatsisaat nr. 7 19. maj 2010-meersumi § 3, imm. 2-mi nassuiaat naapertorlugu. Tamatumani aalajangersarneqarpoq kalaallit oqaasii sumiorpaluutunik pingaarnernik pingasunik akoqartut. Sumiorpaluutit Avanersuarimi, Tunumi aamma Kitaani atorineqartut. Tamanna isumaqarpoq kalaallit oqaasiisa ineriartortinnerunissaannik pisussaaffik atuummat sumiorpaluuteqarfinnut taakkununga tamanut.

Kalaallit oqaasiisa ataavartinnerat, siuarsarnerat patajaallisarnerallu qularnaarneqassaaq kalaallit oqaasiinik, oqariartaatsinik allamiullu oqaasiinik nutaanik katersuinikkut nalunaarsuinikkullu. Suliassaq taanna naqissuserlugu Oqaasiliortunut pisussaaffittut oqaatigineqarpoq siunnersuummi § 2, imm. 1-imi. Pissuseq tamanna qularnaarneqassaaq

oqaatsit ataavartinnerisigut, atuutsinnerisigut ineriartortinnerisigullu. Siunertaq isiginiarneqassaaq oqaatsit kulturimik attassisutut kinaassutsimillu atuutsitsisutut aamma oqaatsit attaveqatigiissutaasutut atuuffiini.

Imm. 2-mut

Aalajangersagaq nutaajuvoq.

Pissusissamisoortinneqarsimavoq erseqqissassallugu Oqaasiliortut ingerlatsiviummata Namminersorlutik Oqartussat iluanni inissisimasut. Taamaasilluni Oqaasiliortut ataatsimut isigaluni Naalakkersuisunit ilitserorneqartarnissap ataani inissisimapput.

Iltserorneqartarnissamilli pisussaaffiup killilersunngilai piginnaatitaaffiit inatsimmi Oqaasiliortunut tunniunneqartut, tamatumanilu aamma piginnaatitaaneq suliani assigiinngitsuni taaguutinik atorneqartartunik akuersissuteqartarnissamut, atit kalaallinit aallaavillit akuerisarnissaannut aamma kalaallit allattaasianni aalajangersaasartuuneq.

Aalajangersakkap immikkoortua 2 inatsimmi nutaajuvoq allaffissornikkullu aalajangersakkamik ingerlatitseqqinnerulluni, aalajangersarlugu piginnaassusiliineq allamut suliakkiissutigineqarsinnaangitsoq. Aalajangersagaq siammasinneruvoq taamalu Oqaasiliortut sulinerat tamakkiisooq attuumassuteqarfigalugu, tassalu manna tikillugu akuersissuteqarsinnaanerinnaangitsoq. Tamanna imatut tunngavigiligaavoq kissaatigineqartoq suliassat suliaqarfimmit naammattumik piginnaaniligaasumit taamaallaat ingerlanneqartassat. Tamatuma akornusinnigilaa Oqaasiliortut siunnersuummi § 2, imm. 4 naapertorlugu suliassat aalajangersimasut naammassiniarlugit suleqatigiinnik piffissami killilikkami sulisussanik suliaqatigiinnillu Oqaasiliortut ilaasortaasa ilaasortaaffigisaannik avataanersulluunniit immikkut piginnassusillit peqataaffigisaasunik pilersitsisinnaasut.

§ 2-mut

Imm. 1-imut

Aalajangersagaq malittarisanik atuutereersunik annertuutigut tunngaveqarpoq.

Aalajangersakkap aalajangersarpai Oqaasiliortut suliassatut inatsisitigut pisussaaffigisaat. Taakkualu saniatigut Oqaasiliortut imm. 2 naapertorlugu Naalakkersuisunit suliassanut taakkununga attuumassuteqartunik allanik suliassinneqarsinnaasut.

Nr. 1-imi aalajangersakkami pineqarpoq Oqaasiliortut suliaasa inatsimmut maannamut atuuttumut naleqqiullugit annikillineqarnerat. Tassa aalajangersarneqarmat Oqaasiliortut oqaatsinik katersinermik oqaatsinillu nutaanik nalunaarsuineramik taamaallaat suliaqassasut, taamalu taakkununga tunngasumik akuersisarunnaarlutik. Tamatumunnga tunuliaqutaasut siunertaasullu pillugit innersuussutigineqarput siunnersuummi oqaaseqaatit nalinginnaasut. Nutaatut ilagitinneqalerput oqaasersiat. Tamanna tunngaveqarpoq kissaatigineqarmat nalunaarsussallugit oqaasersiat suut kalaallit oqaasiinut akuulersimanersut.

Oqariartaatsit imatut paasineqassapput oqaatsit qanoq oqaatigineqarnerat, oqaatigeqqinneqarnerat, atornerarnerat assigisaallu.

Nr. 1-ip allanngortinneqarneranut atasumik nr. 2-mi aamma 3-mi aalajangerneqarpoq Oqaasiliortut suli aalajangersartassagaat pisortatigoortumik kalaallisut taaguutit oqaatsinut eqqussanut (taarsiullugu oqaasiliat), akuerisassagaallu suliassa qarfinni taaguusersuutit atornerqartut, tamatumani aamma suliani oqariaatsit oqariartaatsillu sulianut aalajangersimasunut tunngasut.

Oqaatsinik taartaasussanik pilersitsinerni nr. 2 naapertorlugu Oqaasiliortut ataatsimiititaliaagallartumit imaluunniit ataatsimiititaliamit ikiorserneqarsinnaapput, siunnersuummi § 2, imm. 4 naapertorlugu pilersinneqartumit.

Immikkut suliani taaguutit nr. 3-mi pineqartut akuersissutiginerannut atatillugu ilanngullugu nutaatut siunnersuummi § 2, imm. 3 nutaajuvoq akuersissuteqarneq pisassasoq Oqaasiliortut immikkut sammisamut ataatsimiititaliaanniit inassuteqartoqarnera tunngavigalugu.

Suliani aalajangersimasuni taaguutit tassaapput, suliami aalajangersimasumi oqariaatsit immikkut atortuutinneqartut. Tamanna isigineqassaaq illuatungiusutut oqaatsinut nalinginnaasunut. Fagini taaguusersuutit nalinginnaasumik immikkuullarinnerugajupput oqaatsinillu nalinginnaasuniit erseqqinnerugajullutik.

Nr. 4-mi paasineqassaaq inuit aqqinik akuersisartut piginnaatitaanera kalaallisut aallaavilinnik atinik akuersisartuuneq siunissami Kalaallit Nunaanni Oqaasiliortunit isumagineqalertussatut. Tamatumunnga tunuliaqutaasoq siunertaasorlu pillugit siunnersuummi nassuiaatinut nalinginnaasunut innersuussisoqassaaq. Inuit aqqi pillugit peqqussummik Kalaallit Nunaannut atortuulersitsineq innersuullugu oqariaaseq ”aqqit kalaallinit aallaavillit” paasineqassaaq aqqit pillugit inatsimmi tamatumunnga tunngasumik paasinnineq naapertorlugu.

Nr. 5-mi malittarisat maannamut atuuttut tunngavigineqarput. Erseqqissarlugulu aalajangersarneqarpoq Oqaasiliortut pisortatigut kalaallisut allattaaseq aalajangersassagaat, tamannalu tamanut saqqummiunneqassasoq Oqaasiliortunit aqqissukkamik saqqummersitamilu eqqortumik allattarnissamik oqaasersiutini/ordbogimi. Inatsisini atuuttuni aalajangersarneqarpoq Oqaasiliortut kalaallisut allattaaseq aalajangersassagaat, tamannalu tamanut saqqummiunneqassasoq Oqaasiliortunit aqqissukkamik saqqummersitamilu eqqortumik allattarnissamik oqaasersiutini/ordbogimi, aamma Oqaasiliortut aalajangersassagaat killiffilersuutit allariaatsillu. Malittarisani atuutereersuni piunasaareerpoq Oqaasiliortut eqqortumik allannissaq aalajangersagassarigaat. ”Pisortatigut kalaallisut allattaaseq” qanoq paasineqassanersoq pillugu siunnersuutip § 3-ani oqaaseqarfiginnissutit innersuussutigineqarput.

Nr. 6 tunngaveqarpoq siunnersuisarnermik pisussaaffimmik, Inatsisartut inatsisaani aamma nalunaarummi malittarisassaasunik. Maanna erseqqissarneqarpoq siunnersuisarnerullunilu ilitsersuisussaataaneq, kiisalu pisussaaffiusoq kalaallit oqaasii allamiullu oqaasii nutaat aqqillu pillugit pisortat inuillu paasissutissinneqartassasut. Tamanna periuserineqartunik katersuineruvoq.

Nr. 7 tunngaveqarpoq malittarisassanik atuutereersunik suliffeqarfinnik inunnillu akuerisanik kalaallisut atersuisartunik saqqummiussisartunik imaluunniit innersuussisartuusunik. Nutaatut aalajangersarneqarpoq Oqaasiliortut aamma pisortanik suleqateqartassasut. Pisortanik suleqateqarneq tassaasinnaavoq kommuninik suleqateqarneq. Taaguut “atiusinnaasut” paasineqassaaq oqaatsit killeqartut katersat imaluunniit paasissutissat, atorneqarsinnaasut inummik ataatsimik toqqaaniarnermi, sumiiffimmik imaluunniit tigussaasoq.

Nr. 8 tunngaveqarpoq malittarisanik atuutereersunik suleqatigiiffinnik nunani allaniittunik, tassunga ilagitillugit Issittormiut Avannaamioqatigiillu. Pissusissamisut isigineqarsimavoq assersuutitut taaguutit peernissaat, isiginiarneqarmat Oqaasiliortut namminneq nalilissagaat nunat sorliit naleqqunnerpaamik suleqatigissagitik.

Imm. 2-mut

Aalajangersakkap assigai, Oqaasiliortut pillugit Namminersornerullutik Oqartussat nalunaarutaanni, nr. 23, 15. maj 1990-imeersumi § 2, imm. 2-p imarisai.

Naleqquttuutinneqarsimavoq periarfissaqartitsiuassalluni inatsisikkut suliakkiissutitut atatillugu Oqaasiliortut suliassanik allanik suliakkerneqarsinnaanissaat. “Atatillugu” kinguneqassaaq suliassat tassaasinnaasut suliat Oqaasiliortut suliassa qarfiinut attuumassuteqartut.

Imm. 3-mut

Aalajangersagaq nutaajuvoq.

Aalajangersakkami aalajangersarneqarpoq suliaqarfinni taaguusersuutunik akuersissuteqartarneq pisassasoq Oqaasiliortut ilisimannittutut suleqatigiissitaasa inersuussuteqareernerisigut.

Pissusissamisoorpoq Oqaasiliortut ilisimasalinnik suleqatigiissitanik pilersitsinerminni tamatigut nalilersortarpassuk inummik arlalinnilluunniit oqaluttaanermik nutserinermillu misilittagalinnik, imaluunniit inunnik allanik oqaatsinik suliassa qarfimmi pineqartunik atuinermi misilittagalinnik peqataasoqartarnissaa. Taamaasilluni qularnaarneqassammat misilittagaareersut eqqarsaatigalugit suliassa qarfinni taaguusersuusiortoqartarnissaa.

Immikkut ilisimasalittut paasineqassapput inuit immikkut paasisimasallit imaluunniit misilittagallit, suliassaqaqfinni immikkut fagitigut oqaasertalersuuteqartuni samminiarnaqartuni. Taakkua assersuutigalugu tassaasinnaapput nakorsat imaluunniit peqqinnissaqaqfimmi sulisut allat atorineqartuni oqaatsini piginnaanillit.

Imm. 4-mut

Aalajangersagaq tunngaveqarpoq nalunaarummi malittarisassanik aalajangersarneqarmat Naalakkersuisut ataatsimiititaliorsinnaasut suliassat aalajangersimasut naammassiniarlugit. Aalajangersagaq imatut allannortinniarlugu siunnersuutigineqarpoq taamaattunik il.il. ataatsimiititaliorsinnaaneq Oqaasiliortunut nuunneqassasoq. Tamanna tunngavilersorneqarpoq nalilerneqarmat Oqaasiliortut namminneq nalilersinnaanerugaat qanoq ilisukkut taamaattunik ataatsimiititaliussalluni naleqqunnerunersoq.

Suliassani aalajangersimasunik nalunaarinninnermi tikkuarneqarpoq ataatsimiititaliassat tamakku ataavartuunngitsut piujuartussaannngitsullu. Taamatut ataatsimiititaliorneq kinguneqassanngilaq sulianik naammassinninniarnep Oqaasiliortunit illuarterneranik, tassami pineqarmat piginnaatitaaffiup imissutigineqanera.

§ 3-mut

Aalajangersagaq nutaajuvoq naleqqiunneqassallunilu siunnersuutip § 2, imm. 1, nr. 5-aanut, tamatumani aalajangersarneqarmat Oqaasiliortut pisortatigoortumik kalaallisut allattaaseq aalajangersassagaat taannalu tamanut saqqummiullugu eqqortumik allattarnissamik oqaasersiummi/ordbogimi aalajangiisartunit taakkunannga aqqissorsoneqarlunilu saqqummiunneqartumi.

Allattaatsip pisortatigoortuunerni ersepoq inuiaqatigiinnit akuerisaanera. Tamanna erseqqissarneqassaaq siunnersuutip § 5-iatigut tamatumani aalajangersarneqarmat allattaaseq pisortatigut ingerlatsivinnit il.il, tamanit malinneqassasoq. Allattaaseq taamaalilluni tamanut atugassaavoq ugguuna inuiaqatigiinnut pisussaaffittut sunniuteqarami. Tamatuminnga itisilerummik oqaaseqarfiginnissutit siunnersuutip § 5-ianut innersuussutigineqarput.

”Pisortatigoortumik kalaallisut allattaaseq”-mik oqaasertaliinnermi peqatigitillugu erseqqissarneqarpoq kalaallisut tamanoortumik ataasiinnarmik allattaaseqarsinnaasoq. Tamatuma akornusinngilaa allattaatsimi malittarisat periarfississinnaammassuk oqaatsit ataatsip allannissaa sumiiffiit ilaanni assigiinngitsunngorlugu periarfissaqartoq. Tamannali isumaqarpoq eqqortumik allannissamut malittarisat tunngaviusut ataasiinnaasut.

Allassimasutigut eqqortumik ataatsimoorussamik oqaaseqarnermik (oqaatsini kalaallit tamarmik atugassaanni), erseqqissaaneq ikkunneqarpoq naqissuserniarlugu oqaatsit kalaallit tamarmik atugassaasa eqqortumik allannissaat kisimi pineqarmat, taamalu oqaatsini sumiorpaluutitut pingasunut tunnganani. Oqaatsit kalaallit tamarmik atugassaannik tassa

pineqarput oqaatsit allassimasutigut atorneqartut tassaasut kalaallinut tamanut ataatsimoorfiusut. Oqaatsit kalaallit tamarmik atugassaat maanna ilutsumikkut sumiorpaluutit arlaannaannulluunniit atanngillat, pilerfeqarlutilli Kitaata qeqqanit. Tassa taakku oqaatsit allassimasutigut atugassat, oqalunnikkulli oqaatsit killiligaanngillat. Taamaammat kialuunniit oqalunnikkut sumiorpaluutini atorsinnaavai.

§ 4-mut

Imm. 1-imut.

Aalajangersagaq nutaajuvoq.

Aalajangersakkap Oqaasiliortut pisussaaffilerpai tunngaviusut eqqortumik allattarnissamut najoqqutassanik aalajangersaaqqullugit. Tamakku tassaasinnaapput oqaatsinik atuinnermut tunngavissat, oqaatsit oqariartaatsilluunniit atuuttuusut tungavigalugit eqqortumik allannissaannik, oqaatsinik ippinnanngitsumik naasuitsuimillu allassimasutigut atueriaasiannut naapertuuttumik. Assersuutitut taaneqarsinnaavoq oqaatsinik tunngavileeriaaseq ileqquliussaq, tamatumuuna oqaatsit oqaasiliorterillu allanneqartassasut maannamut malittarisat naapertorlugit.

Tunngaviusunik pingaarnernik aalajangersaanermi ilanngullugu aalajangersarneqarsinnaassapput inuit aqqinik allattarnermi ileqqussat.

Pingaarnerusunik tunngavileeriaatsinik aalajangersaanermi pisortat inuillu paasisimalissavaat allattaatsimut tunngavigisat qanoq isumaliutigineqartumik tunngaviligaasimanersut. Tunngavigisat tamakku eqqortumik allattarnissamut annertuumik pingaaruteqarsinnaammata naleqqussorineqarpoq tamatuma isumaliutitut tunngavigisat aalajangersarneqannginnerminni Naalakkersuisunit oqaaseqarfigineqartussanngortinneqartassasut. Naalakkersuisut taamaalillutik periarfissaqassapput Oqaasiliortunut paasissutissiissutigissallugit tunngavigisassat nutaat qanoq sunniuteqassanersut, assersuutigalugu ilinniartitsinnermut tunngatillugit, taamalu Oqaasiliortut isumaliutigisaminnut ilaatersinnaagaat. Naalakkersuisut aamma tamanut atuuttumik oqaaseqarsinnaapput qanoq Naalakkersuisut tunngavissat nutaat naleqqussorineritik, kisianni tunngavissanik aalajangersaasinnaatitaaneq paarlaassassaannngitsumik Oqaasiliortuniippoq. Tamanna tunngaveqarpoq Oqaasiliortut allanit tamanit sulianik tamakkuninnga ingerlatsinissamut piginnaaneqarnerummata.

Imm. 2-mut

Aalajangersagaq nutaajuvoq.

Aalajangersagaq ikkunneqarsimavoq nunat aqqinik aalajangiisarnerup immikkut pissuseqarnera tunngavigalugu. Nunat aqqi immikkut pissusertik pissutigalugu sumiiffinnik pilerfeqartuupput, sumiiffimminnullu atasuunermikkut aalajangerneqartarlutik. Nunat aqqinik atortuulersitsisarnermi taamaattumik kissaatiginarsinnaavoq atsiisarneq sapinngisamik

pisassasoq aternik tamaani nunallit maanna tikillugu atugaannik, tamatumani pineqarsinnaavoq sumiorpaluummik pineqartumik tunngaveqarneq. Eqqortumilli allannermik malittarisat maannamut atuuttut tunngavigalugit ajornanngilaq nunat aqqi sumiiffinni sumiorpalunnertut eqqortumik allannissamik malittarisat tunngavii naapertorlugit allassallugit.

Aalajangersakkami erseqqissarneqarpoq tunngavissat pingaernerit taakku aalajangersarneqartassasut tamakku pillugit Nunat Aqqinik Aalajangiisartut siunnersoqatigeereernerisigut. Tamatumani pineqarpoq qularnaarniarlugu tunngavissani mianerineqartut nunat aqqinik atortuulersitsisarnermi pissutsit Nunat Aqqinik Aalajangiisartut piginnaaffigisaat.

Imm. 3-mut

Aalajangersagaq nutaajuvoq.

Aalajangersakkami siunertarineqarpoq aalajangersassallugu aalajangiisartut taakku qanoq annertutigisumik namminersuutigalugu eqqortumik allannissamik allannguisinnaanersut, aamma qanoq ilinerani Naalakkersuisut oqaaseqartinnissaat piumasarineqartassanersoq.

Pingaarnersuq unaavoq allanngineq tunngavissamut pingaarutilittut pissuseqarnerisigut. Tunngavigisamut pingaarutilittut pissuseqarnermi apeqqutaavoq tamanut attuisumik imaluunniit ilusiliinermik allanngineq pineqarnerisigut. Tassani assersuutigalugu pineqarsinnaavoq naqinnermik nutaamik eqqussiniartoqarnerisigut, taggisini naqinnermik angisuunik eqqussiniartoqarnerisigut il.il.

Allannguutitut tunngavissanut pingaarutiliunngitsunut assersuutitut taaneqarsinnaapput oqaatsit ataasiakkaat allanngorarnerrillu pissusiisa naapertuussarneri.

§ 5-imut

Imm. 1-imut

Aalajangersagaq nutaajuvoq suleriaatsimilli atuuttuusumik ersersitsilluni.

Aalajangersakkakut inatsisiliunneqarpoq pisortatigoortumik kalaallisut allattaaseq, oqaasersiat taarserlugit oqaasiliat pilersinneqartut nutaat aamma Oqaasiliortunit aalajangersagaasoq suliassaqarfanni taaguusersuutit pisortat ingerlatsiviini tamani, Inatsisartuni aamma pisortaqarfanni Inatsisartunut aamma eqqartuussivinnut attuumassuteqartuni atortuusut.

Allattaatsip malinneqarnissaa, kiisalu taarsiullugu oqaasiliat aamma Oqaasiliortunit suliassaqarfanni taaguusersuineri aalajangersakkat atorineqarnissaat isumaqarpoq allattaatsip,

oqaasersiat taarserlugit oqaasiliat aamma suliaasaqarfinni taaguusersuutit pisortanit, ingerlatsivinnit il.il. allatanik suliaqarnerni atorneqartussaasut.

Imm. 2-mut

Aalajangersakkap pissuseqatigaa sulianik ingerlatsisarnermi inatsimmi sulianik ingerlatsinermik inatsisip atuuffiinnut tunngasumik aalajangersagaq. Aalajangersakkap kingunissaraa aamma ingerlatseqatigiiffiit, suliffeqarfiit il.il. pisortat ingerlatsiviinut atasutut naatsorsuussaannngitsut pisussaassammata pisortatigoortumik kalaallisut allattaaseq malissallugu, aalajangersakkamut tamatumunnga piumasaqaatit taaneqartut naammassineqarpata. Tamanna pissuteqarpoq taakku pissutsini taama ittuni iliuuseqartarmata pisortatigut ingerlatsinermut naapertuuttunik.

§ 6-imut

Imm. 1-imut.

Aalajangersakkami aalajangersarneqarput Oqaasiliortut katitigaanerat, tassunga ilagitillugu ilaasortat amerlassusissaat, aamma ilaasortat qanoq toqqartorneqartarnissaat.

Maannamutut Oqaasiliortut 5-inik Naalakkersuisunit toqqarneqartartunik ilaasortaqrput. Nutaatut aalajangersarneqarpoq ilaasortat toqqarneqartassasut suliffeqarfinnit soqutigisaqatigiinnillu inatsimmi taaneqartunit inassuteqartoqareerneratigut.

Ilisimatusarfik ilanngunneqarpoq ingerlatsivittut inassuteqartartutut qularnaarumallugu Oqaasiliortut ilisimatusarnermit piginnaasanik pissarsiaasaqassasut, Oqaasiliortut suliaannut atatillugu.

Nunatta Atuagaateqarfia ilanngunneqarpoq ingerlatsivittut inassuteqartartutut Atuagaateqarfiup ingerlatsinermi oqaasilerineq, inuiaqatigiilerineq aamma kulturikkut ingerlatsinermi ilisimasaqartuunera tunngavigalugu.

Kalaallit Atuakkiortut soqutigisaqatigiiffittut innersuussisinnaasutut ilagitinneqarpoq peqatigiiffik taanna ilimagineqarmat oqaatsinik atuinermik, oqaatsit ineriartorneranni il.il. tapertaasinnaasutut.

Tusagassiunerme Sulisut Peqatigiiffiat ilanngunneqarpoq inassuteqartartutut peqatigiiffittut inuiaqatigiinni ingerlatsinermi ilisimasalittut oqaatsinullu tunngasunik ilisimasanik tunniussasaqartut.

Kiisalu aamma aalajangersarneqarpoq fagitigut peqatigiiffik oqalutsinik aamma nutserisunik ilaasortalik aamma Oqaasiliortuni ilaasortassanik inassuteqartassasoq. Tamanna pivoq Oqaasiliortut oqalutsit nutserisullu ingerlatsiviiniit ilisimasassanik tunineqarsinnaaqqullugu.

Siunnersuummi § 6, imm. 4-mi aalajangersarneqarpoq minnerpaamik ilaasortaq ataaseq piginnaaneqartuussasoq oqalutsitut aamma nutserisutut ingerlatsinermi.

Piginnaasanut tunngasunik piumasaqaatit siunnersuummi § 6, imm. 4 aalajangersarneqartut naapertorlugu peqatigiiffiit ingerlatsiviillu inassuteqartut tamarmik inassutigisami piginnaaneri qanoq ittut piumasaqaatinik naammassinninersut tunngavilersortassavaat. Naalackersuisut nutaamik inassuteqartoqarnissaanik piumasaqarsinnaapput, nalilerneqarpat inassutigineqartup piginnaanernut tunngasunik piumasaqaatit naammassisinnaangikkai.

Imm. 2-mut

Aalajangersagaq nutaajuvoq.

Aalajangersagaq isiginiarneqassaaq ataqatigiissillugu inassuteqaatit Oqaasiliortunut ilaasortassanik toqqaasarnermi naapertuuttussaasut Angutit arnallu naligiissitaanissaat pillugu Inatsisartut inatsisaat nr. 3, 29. november 2013-imeersumi aalajangersakkanut. Taamaasillunilu kattuffinnit ingerlatsivinni inassuteqartunit angummik aamma arnamik inassuteqartoqassaaq.

Imm. 3-mut

Aalajangersagaq nutaajuvoq.

Aalajangersakkami nalunaarneqarput pitsaassusissamik piumasaqaatit ataatsimut Oqaasiliortunut atuuttut. Tamanna isumaqarpoq ilaasortat ataasiakkaat tamarmik piginnaasanik pineqartunik tamanik pigisaqarnissaat naatsorsuutigineqanngitsoq.

Sumi najugaqartuunissamik piumasaqaat aalajangersarneqarpoq kissaatiginarmat sumiiffimmik pilerfeqarneq oqaaseqarfigisamut Oqaasiliortut attuumassuteqarfigisaannut tunngasuussasoq.

Imm. 4-mut

Naalackersuisut toqqaanerminni qularnaarsinnaavaat toqarneqartut ilisimasanik aalajangersimasumut arlalinnuunniit tunngasunik piginnaaneqarnissaat, siunnersuummi § 6, imm. 3-mi eqqaaneqartunut tunngasunik, taamaasillutillu peqataasinnaallutik Oqaasiliortut ataatsimut piginnaanersassaasa naammassiniarnerini, ataatsimut ilisimasanik pilersitsinikkut.

Imm. 5-imut

Naalackersuisut toqqaanerminnut atatillugu eqqumaffigissavaat piumasaqaat ilaasortaq minnerpaamik ataaseq oqalutsitut aamma nutserisutut ingerlatsinermi piginnaaneqartuussasoq.

Imm. 6-imut

Aalajangersagaq malittarisassanik atuuttooreersunik ingerlatitseqqinneruvoq.
Pissusissamisoortinneqarpoq Oqaasiliortunut namminernut isumagisassaatinneqassasoq
nalilersussallugu kina Oqaasiliortunut siulittaasuunissamut piukkunnarnerunersoq.

§ 7-*imut*

Imm. 1-*imut*.

Aalajangersakkami nalunaarneqarput aalajangersakkat taakku piffissat atuuffii,
aalajangersarneqartut siunertaralugu Oqaasiliortut sulinerannut tunngasuni pisariartumik
ingerlaavartoqarsinnaanissaa.

Imm. 2-*mut*

Aalajangersagaq nutaajuvoq.

Aalajangersakkami periarfissiineq ilaasortap ataatsip atuuffinni arlalinni qularnaakkamik
atuussinnaanera aammattaaq isigineqassaaq Oqaasiliortuni ingerlaavartitsinissamik
isiginninniarnermik kissaatigisamillu piginnaanerit pitsaanerpaat qularnaarnissaannik.

Imm. 3-*mut*

Aalajangersagaq nutaajuvoq.

Aalajangersakkami siunertaavoq qularnaassallugu Oqaasiliortut sukkulluunniit
tamarmiusarnissaat. Ilaasortassamik nutaamik toqqaasoqarnissaa siullermik
toqqaasoqarnissaanut inassutigineqareersimasut tunuliaqutaralugit pisinnaavoq.
Naalackersuisullu aamma tamanna pissusissamisoortinneqarpat imaluunniit
pisariaqartinneqarpat Oqaasiliortut suaassutikkut naligiinnissaat anguniarlugu imaluunniit
allatigut pissusissamisoortinneqarpat kattuffiit ingerlatsiviillu toqqaasartut nutaanik
toqqaqqinnissaannik qinnuigisinnaavaat.

Uniffiup aappaani siunertaavoq qularnaassallugu Oqaasiliortut ingerlaavartumik
piginnaanernik peqarnissaat, inatsimmi allanneqartutut, aammalu ilaasortap nutaap
piginnaanernik arlalinnilluunniit peqarnissaa, Oqaasiliortut ataatsimut piginnaanerit
pigisassaat angujumallugit.

Uniffik kingulleq siunertaqarpoq qularnaassallugu sukkulluunniit Oqaasiliortuni ilaasortassat
ataatsimoortumik toqqarneqartassasut, Oqaasiliortut issiasut atuuffiata naanerani.

Imm. 4-*mut*

Aalajangersagaq nutaajuvoq.

Aalajangersakkap sunniutigissavaa, ilaasortamik, siulittaasoq tassunga ilanngullugu,
atuukkunnaarsitsineq, pineqartup suliaasaqarfimmik ingerlatsineranik taamaallaat pisinnaasoq

suliassa qarfirmik ingerlatsineq ima naammaginangissimatigippat, pissuseq tamanna nalinginnaasumik eqqumaffiginninnertut naatsorsuunneqarsinnaanani. Aalajangersagaq tamatuma kingorna atorsinnaavoq annertuumik sumiginnaanermi ersersumik Oqaasiliortut sulinerannut peqataanginnikkut annikitsuinnarmilluunniit peqataanikkut, imaluunniit uppersarsineqarsinnaappat ilaasortap iliuusii soqutigisaannut naapertuutinnigitsut.

Oqaasertaliineq ”allatigut” tassaasinnaapput pisut ilaasortap pisinnaaffimminik qaangiiffii suliniutinut allanut, ilaasortap piginnaasaminut atanngitsunut akuliunnermigut. Aamma pineqarsinnaapput pissutsit Oqaasiliortut suliaasa avataani pisut sunniuteqarsinnaasut ilaasortap ilaasortaajunnaarnissaanik piumasaqarfiusut. Soorlu pineqarsinnaapput pinerlunnikkut iliuusit pissutsimikkut kinguneqartut pineqartumik ilaasortanit allanit taamalu inuiaqatigiinnit tunngasuni tutsuiginarunnaarsitsisut.

Taagorneqartut saniatigut ilaasortaq aamma atuukkunnaarsinneqarsinnaavoq piukkunnassuseqanginnermik naliliinikkut, pineqartup iliuusimigut imaluunniit iliuuseqannginnermigut erseqqissumik ersersippagu piumassuseqannginneq imaluunniit Oqaasiliortut soqutigisaannik suliassani piginnaanikinneq.

§ 8-mut

Aalajangersagaq nutaajuvoq periaatsinulli atorineqareersunut naapertuulluni.

Naleqquttuutinneqarsimavoq erseqqissassallugu ilaasortat Inatsisartuni Naalakkersuisunilu il.il. ilaasortat aningaasarsiaqartitaanerit pillugu inatsit naapertorlugu aningaasarsiaqartinneqassasut.

§ 9-mut

Imm. 1-imut.

Aalajangersagaq nutaajuvoq maannamulli ingerlatsinermut naapertuulluni.

Aalajangersakkami aalajangersarneqarpoq Oqaasiliortut aningaasalersugaanerit. Nunatta karsiata Oqaasiliortut ingerlatsinerit aningaasalersorpaa.

Naapertuussorineqanngilaq Oqaasiliortut iluanaarniutaasinnaasumik suliaqarnissaat, tamanna sunniuteqarsinnaammat Oqaasiliortut ingerlannerannut suliassaannullu soqutigisatigut aporaattoormik. Taamaattumik inatsisitigut periarfissaqartitsineqanngilaq iluanaarutaasinnaasunik suliassa qarfirmineq.

§ 10-mut

Aalajangersagaq nutaajuvoq atuutereersunulli assingulluni.

Aningaasatigut missingersuusiat ilusilerneqassaaq Oqaasiliortut suliassa qarfiini pingaarnerusuni iliuusissat kisitsisinngorlugit siunnersuutitaat Naalakkersuisunit takusassanngorlugit. Missingersuusiat aningaasaliissutissanullu siunnersuutit Naalakkersuisunut ima siusitsigisumik saqqummiunneqartassaaq aningaasatigut inatsisip ukiup tullianoortup suliarineqalernerani ilanngunneqarsinnaanngorluni. Missingersuusiornermut periaasissat piffissalersuinerillu aamma aningaasaliissutissatut siunnersuutitut aalajangersakkat Naalakkersuisunit aalajangersarneqartarput.

§ 11-mut

Imm. 1-imut.

Aalajangersagaq nutaajuvoq atuutereersunullu assingulluni.

Aalajangersakkami aalajangersarneqarpoq Oqaasiliortut Namminersorlutik Oqartussat immikkoortuisut allatulli ukioq aningaasaliiffiusoq malittarigaat. Taamattaq Oqaasiliortut naatsorsuusereriaaseq assingusoq malittarissavaat. Tamanna tunngaveqarpoq pissutsinik atuuttunik allaffissornikkullu pissutsinik isiginninnermik.

Imm. 2-mut

Aalajangersagaq nutaajuvoq atuutereersunullu assingulluni.

Aalajangersakkami aalajangersarneqarpoq Oqaasiliortut naatsorsuutaat kukkunersiorneqartassammata Namminersorlutik Oqartussat kukkunersiuisunit. Naatsorsuutit taamaalillutik Namminersorlutik Oqartussat immikkoortuisa ilaattulli nakkutigineqarput.

Uani kukkunersiuisut avataaneersut pineqarput.

Imm. 3-mut

Aalajangersagaq nutaajuvoq atuutereersunullu assingulluni.

Aalajangersakkami aalajangersarneqarpoq Naalakkersuisut Oqaasiliortut naatsorsuutaannik akuersisassallutik piginnaatitaasut, aamma Oqaasiliortut naatsorsuutaat naammassineqartassasut piffissami killigitatut Naalakkersuisunit aalajangikkami. Naatsorsuutininik tunniussinissamut piffissaq killigititaq tassaasarpoq ukiut tamaasa marsip naanera.

Imm. 4-mut

Aalajangersagaq nutaajuvoq atuutereersunullu assingulluni.

Aalajangersakkami aalajangersarneqarpoq Oqaasiliortut naatsorsuutitik akuerineqareeraangata saqqummiuttassagaat. Saqqummiussinissamik ilusissamik piunasaqaateqanngilaq, Oqaasiliortut periaasissartik aalajangiussinnaammassuk. Oqaasiliortulli saqqummiussinissamik periaasissaq toqqartariaqarpaat, taamaalillutik innuttaasut, suliffeqarfiit susoqartarfiit ingerlatsiviillu Oqaasiliortut suliaannik soqutiginnittut sapinngisamik amerlanerit oqaasiliortut naatsorsuutaat piuninartumik paasiniarsinnaaniassammatigik.

§ 12-imut

Aalajangersagaq nutaajuvoq atuutereersunulli assingulluni.

Aalajangersakkami aalajangersarneqarpoq Oqaasiliortut sulinerminnut akisussaanerat. ”Sulinerminnut”-mi oqaasertaliinermi pineqarput Oqaasiliortut suliassat inatsimmut tunngatillugu inatsimmilu suliassat aalajangersarneqartut tunngavigalugit sulinerat tamarmi.

Aalajangersakkami aamma pineqarput Oqaasiliortut aningaasatigut atugassaasa aqunneqarnerat. Tamanna isigineqassaaq siunnersuutip Oqaasiliortut aningaasaligaanerannut aalajangersagaasigut pisussaaffillu missingersuusiornermut, naatsorsuuserinermut naatsorsuutinillu tunniussinermut Namminersorlutik Oqartussanit aalajangersakkat qaqugumulluunniit atuuttut.

§ 13-imut

Imm. 1-imut.

Aalajangersakkami Oqaasiliortut ukiumoortumik nalunaarusiortarnerannut malittarisat atuuttut ingerlateqqinneqarput. Siunertarineqanngilaq pisuni nalunaarusiap pisimasunilluunniit nalunaarutit atugaanerat assigiinngisissallugit. Aalajangersakkami itisilerineqarpoq imm. 2-mi nalunaarutip imarisassaanut erseqqinnerusumik piunasaqaateqarnikkut. Ilagitillugu nutaatut aalajangersarneqarpoq nalunaarut tamanut saqqummiunneqartassasoq.

Tamanut saqqummiussinissamik piunasaqaatip siunertaraa, inuuttaasut oqaatsinut tunngasut ineriartornerannik malinnaanissamut periarfissinnissaat

Imm. 2-mut

Aalajangersakkami tunngavigineqarput malittarisat atuuttut nalunaarusiaq sunik imaqartassanersoq, taakkunungali naleqqiullugu annertusisaalluni.

Aalajangersakkap imarai nalunaarusiaq sunik imaqartassanersoq. Pineqarput piunasaqaatit minnerpaat, Oqaasiliortut paasissutissat naleqquttut allat ilanngussinnaagaat. Nalunaarutip sunik imaqartarnissaanik piunasaqaatit tamanut atuuttumik siunertaraat Oqaasiliortut taakku

ukiumi qaangiuttumi sulinerata ingerlannerata takuneqarsinnaalernissaa, aammali paasissutissiissutigisinnaassallugu suliniutit suut ukiumi aggersumi Oqaasiliortut pilersaarutigineraat. Qaangiuttunik nalunaaruteqarsinnaanerup malitseqartittarnissaanik piunasaqaammi kissaatigineqarpoq Oqaasiliortut aamma nalunaarut iluminni aqutsinerminnut atortutut atorsinnaassagaat.

Imm. 3-mut

Aalajangersagaq nutaajuvoq.

Aalajangersagaq atorsinnaavoq assersuutigalugu nalunaarummi ilassutitut malittarisanik aalajangersaanissaq pisortatigoornerusumillu nalunaarutip ilusilersorneranut imarisasaanullu piunasaqaatit.

§ 14-imut

Imm. 1-imut

Aalajangersagaq nutaajuvoq.

Ukiumut ikinnerpaamik marloriarluni ataatsimiittoqartoqartarnissaanik piunasaqaat tunngaveqarpoq qularnaarumaneqarmat kissaatigisaq Oqaasiliortut piviusumik aalajangiisartutut atuutissasut. Oqaasiliortut suliaassannut tunngasunik suliat saniatigut ukiumoortumik ataatsimiittarnissaq pisariaqartassasoq Oqaasiliortut missingersuutit naatsorsuutillu pillugit isummerfissaannik. Oqaasiliortut allatigut namminneq ataatsimiittarnerit akulikissusissaat ataatsimiinnerillu qassiunissaat ukiullu qanoq ilinerani pisassanersut aalajangersartagassaraat.

Ataatsimiinnerit tamatigut najuulluni pisinnaangittarsinnaapput, kisianni pisariaqartitsineq naapertorlugu allatut ingerlanneqarsinnaasassapput.

Aammattaaq aalajangersagaq aalajangersarneqarpoq ataatsimiinnerit tamanut ammasuunnigitsut. Tamanna tunngaveqartinneqarpoq Oqaasiliortut ataatsimiissutit suliarisinnaassagaat avataanit sunniuteqarfigineqanngitsumik, aamma Oqaasiliortut killiligaanngitsumik sulianik oqalliseqarsinnaassasut.

Imm. 2-mut

Aalajangersagaq nutaajuvoq

Pisortat ingerlatsineranni paasitinneqarsinnaatitaaneq tunngavigisaq eqqarsaatigalugu, aallaavigineqassaaq Oqaasiliortut ataatsimiinnernit imaqarniliat aamma ullormut oqaluuserisassat tamanut saqqummiunneqartarnissaat. Pisortat inuilluunniit ataasiakkaat soqutigisaat pingaartillugit mianerisassaammata Oqaasiliortut aalajangersinnaapput imaqarniliat imaluunniit oqaluuserisassat matoqqasuutinneqarsinnaasut. Imaqarniliat

oqaluuserisassalluunniit immikkoortuisa ilaat tamanut saqqummiunneqarsinnaassappata, Oqaasiliortut tamanna toqqassavaat, taamaalilluni matoqqasuutitsineq mianerisassanut pingaarnerusunut tunngatinneqassalluni.

§ 15-imut

Imm. 1-imut

Aalajangersagaq tunngavilersugaavoq malittarisanik atuutereersunik.

Oqaasiliortut pillugit Inatsisartut inatsisaat naapertorlugu Oqaasiliortut namminneq ingerlatsinermi periaasissartik aalajangersartarpaat. Oqaasiliortulli taakku pillugit Nalunaarummi aalajangersarneqarpoq Naalakkersuisut ingerlatsinermi periaasissaq aalajangersartassagaat Oqaasiliortunit siunnersuutit tunngavigalugit, taannali Naalakkersuisunit akuerineqartassasoq. Oqaasiliortulli taakku pillugit Nalunaarummi aalajangersarneqarpoq Naalakkersuisut ingerlatsinermi periaasissaq aalajangersartassagaat Oqaasiliortunit siunnersuutit tunngavigalugit, taannali Naalakkersuisunit akuerineqartassasoq.

Pingaartunik tunngaveqartariaqarpoq Naalakkersuisut Oqaasiliortut ingerlatsinerminni periaasissaannik akuersinnginnissaannut. Akuersineq pisinnaassanngilaq ingerlatsinermi periaasissap piumasaqaatit tamanna pillugu imm. 2-mi aalajangersarneqartut naammassineqarsinnaanngippata. Akuersinissami piumannginneq pisinnaavoq taamaallaat pingaartumik tunngaveqarpat, tassunga ilagitillugu ingerlatsinermi periaasissani aalajangersarneqarpat inatsisinik uniuissumik imaluunniit erseqqivissumik naleqqutinngitsumik, imaluunniit pitsaassusissaq tamanut atuuttoq akuersaarnanngippat.

Imm. 2-mut

Aalajangersagaq nutaajuvoq.

Aalajangersakkami aalajangersarneqarput ingerlatsinermi periaasissanut piumasaqaatit minnerpaaffigisaat. Tamatumani pineqarput pissutsit ingerlatsinermut piumasaqaatinut pissusissamissut ilaasartut.

§ 16-imut

Aalajangersagaq nutaajuvoq maannamulli ileqqut atortinneqartut assigalugu.

Aalajangersakkami aalajangersarneqarpoq Oqaasiliortut aalajangigaat inaarutaasartut pisortaqarfinnullu allanut suliassiissutigineqarsinnaanatik. Tamanna pissuteqarpoq pisortaqarfinnik allanik peqanngimmat suliatigut pisariaqartunik piginnaasalinnik suliassanngortitsinermik illersorneqarsinnaasumik sulianik ingerlatsisinnaasunik.

Taamaattoq Naalackersuisulli sukkulluunniit Oqaasiliortunut inassutigisinnaavaat, suliarisaasoq suliareqqeqqullugu, tamatumunnga pissutissaviusunik tunngavissaqartitsisoqarpat.

§ 17-imut

Imm. 1-imut.

Aalajangersagaq tunngavilersugaavoq malittarisanik atuutereersunik.

Siunnersuutitut nalunaarinnermi aalajangersarneqarpoq Oqaasiliortut tamanut atuuttumik allattoqarfimmit tapersimaneqassasut. Oqaasiliortut pillugit Inatsisartut inatsisaanni atuuttumi aalajangersarneqarpoq Naalackersuisut Oqaasiliortut allattoqarfeqarnissaannut erseqqinnerusunik malittarisassiussasut. Oqaasiliortut pillugit nalunaarummi aalajangersarneqarpoq Oqaasiliortut ulluinnarni sulinerat ingerlanneqassasoq allattoqarfimmit Kultureqarnermut Atuartitaanermullu Pisortaqarfimmi inissisimasussami. Allattoqarnikkut sullissineq pillugu inatsisitigut aalajangersarneqarpoq, siunnersuutillu immikkoortuini 2-mi 3-milu erseqqinnermik malittarisassaqarpoq allattoqarnej pillugu sullissinnermi suut pineqarnersut.

Imm. 2-mut

Aalajangersagaq nutaajuvoq.

Aalajangersakkami nalunaarsorneqarput suliassat suut allattoqarfiup suliassarigai. Tamanna nalunaarneqarpoq allattoqarnikkut suliassat nalinginnaasut tamatumani suut pineqarnersut assersuutitalimmik. Taamaalillutik allattoqarnikkut suliassat nalinginnaasut allat pineqarsinnaapput.

Oqaasiliortunit suliarisassat ilaattut assersuutitut taaneqarsinnaavoq ilisimatusarnikkut suliast saqqummiussinnermi nalunaarsuutinillu suliassat aalajangersimasut isummerfiginissannut piareersarnerinik nalunaarsuutit.

Ataatsimiinnernik piareersaaneq suliassartaqarlunilu allaffissornerusarpoq. Ataatsimiinnernik piareersaaneq tassaasinnaavoq suliast nalinginnaasut, pisortaqarnermut tunngasut aamma siulittaasoq peqatigalugu ataatsimiinnerni oqaluuserisassanik piareersaaneq.

Oqaasiliortut sulinerata nalunaarsuusiordera siulliullugu salliutillugulu ilusilernerneqarsinnaavoq Oqaasiliortut ataatsimiinnerinit imaqarniliuinnermik, aammali suliassat pillugit nalunaarsukkanik Oqaasiliortut suliaannut allanut tunngasunik. Aammattaaq pineqarput oqaasiliortut suliaannik nalunaarusiassami, siunnersuummi § 13 malillugu suliassarisaanut tunngasunik nalunaarsuineq.

Oqaasiliortut aalajangigaannik atortitsinermit pineqarput assersuutigalugu Nunat Aqqinik Aalangiisartut atortussangortitaannik tamanut nalunaarutiginnineq paasisitsissuteqarnerlu.

Imm. 3-mut

Aalajangersagaq nutaajuvoq atuutereersunullu assingulluni.

Naleqquppoq aalajangersimasumik nalunaassallugu, allattoqarfik Oqaasiliortut sulinerannut atuuttussaq ilisimatusarnermik tunngaveqartumik sulissasoq. Ilisimatusarnermik tunngaveqartumik paasineqassaaq suli at tunngaveqassammata ilisimatusarnermi periaatsinik, tassunga ilagitillugu ilisimatusarnikkut naammassisanik uppersussilinnik atuinikkut aamma ajornanngitsillugu nammineq misissuinernik suliassaqarfiit aalajangersimasut iluanni.

§ 18-imut

Imm. 1-imut

Aalajangersagaq tunngaveqarpoq malittarisanik atuutereersunik aalajangersaasunik allattoqarfik inissineqassasoq Kultureqarnermut Ilinniartitaanermullu Pisortaqarfimmi.

Aalajangersakkap aalajangersarpaa Oqaasiliortut allattoqarfiannik ingerlatsineq ingerlanneqassasoq Naalackersuisunit. Tamanna isumaqarpoq Naalackersuisut allattoqarfiup ingerlannera akisussaaffigaa, aamma allattoqarfiup inissinnerani malittarineqassasut Naalackersuisut siulittaasuata oqartussaaffinnik inissitsiterinera. Allattoqarfik inissimasinnaavoq naalackersuisoqarfimmi, aqutsisoqarfimmi imaluunniit naalackersuisoqarfiup aqutsisoqarfiulluunniit ataaniittuni suliaqarfimmi. Maanna allattoqarfik Oqaasileriffimmi, Ilinniartitaanermut, Kultureqarnermut Ilisimatusarnermut Ilageeqarnermullu Naalackersuisoqarfiup ataani suliaqarfimmi inissisimavoq.

Imm. 2-mut

Aalajangersagaq nutaajuvoq.

Oqaasertaliussami "suliffeqarfinni, Namminersorlutik Oqartussanit tapiissutinik annersumik aningaasalersorneqartuni" pineqarput Namminersorlutik Oqartussat suliffeqarfiutaat, tamatumunnga ilanngullugit taakku ataanni suliffeqarfiit, suliffeqarfiillu allat aalajangersakkap oqaasertaanut ilanngunneqarsinnaasut.

§ 19-imut

Aalajangersagaq Inatsisartut inatsisaata § 4-anik tunngaveqarpoq, taassumani aalajangersarneqarluni Naalackersuisut Oqaasiliortut sulinerannut malittarisassat erseqqinnerusut aalajangersassagaat. Naak "Oqaasiliortut suliassaannut sulinerannullu"-mi oqaasertaliinerup allanngortikkaluaraa siunertaanngilaq piviusutigut allannguinnissaq. Oqaasertaliinermi siunertarineqarpoq erseqqissassallugu piginnaatitsineq atorsinnaassasoq

suliassat ataasiakkaat ingerlaneriniq aamma Oqaasiliortut suliassaanni allani malittarisassanik aalajangersaanermut, tassunga ilagitillugu Oqaasiliortut aningaasatigut atugassarisaat.

§ 20-mut

Aalajangersagaq nutaajuvoq.

Siunertamut naleqqussorineqarpoq Inatsisartut inatsisaanni aalajangersakkat iluanni misiligutaasumik aqqissukkanik naammassiniagaqarsinnaanermik ammaassissalluni. Tamanna misilittakkanik nutaanik pilersitsisinnaavoq, immaqa tunngaviusinnaasunik Oqaasiliortut sulineranni inatsimmi tunngaviusunik allannguumaarsinnaanermut.

Misiliineq erseqqissumik allaatigineqarsimassaaq, piffissalersuinikkut killiligaassalluni aamma piumasaqaataassaaq misiliinerup kingorna ingerlasimanerup nalilersornissaa.

§ 21-mut

Imm. 1-imut

Atuutsitsilernissamik piffissaliineq aalajangersarneqarpoq qularnaarniarlugu inatsisip atuutsilernissaanut paasissutissiineq piareersarnerlu naammattumik piffissaqarfigineqassasut, tassunga ilagitillugu Oqaasiliortunik pilersitsineq.

Imm. 2

Inatsisartut inatsisaannik atuuttumik aamma nalunaarummik Kalaallit Nunaanni Oqaasiliortut pillugit kiisalu Landsråd-it malittarisassiaannik kalaallit allattaasiannik allannguineq pillugu atorunnaarsitsinerit isiginianeqassapput suliassaqarfimmi uani malittarisassanik nutaanik pilersitsinermik tunngavilimmik.

Imm. 3

Landsråd-it malittarisassiaat 14. maj 1973-imeersoq, kalaallit allattaasaata allangortinneqarnera pillugu, atorunnaarsinneqassaaq Inatsisartut inatsisaata matuma atortuulersinneqarneratigut, kisiannili pissusissamisoortinneqarpoq kalaallit allattaasiat pillugu ileqqut suli atortuutinneqarnissaat, Kalaallit Nunaanni Oqaasiliortunit allangortinneqarnissaa tungaannut. Taamaaliornikkut qularnaarneqassaaq nalorninartorsiortoqalinnginnissaa allattaatsimut malittarisassat qanoq ittut atuuttuuneri pillugit.